



廣雅疏證
四









廣雅疏證

(四)

張揖撰
王念孫疏證

廣雅疏證卷五下

魏清河張揖撰

高郵王念孫疏證

釋言

霽令也

皆謂善也齊侯罇鐘銘霽命難老卽令命也微絲鼎銘
永令緒霽舟縉卽令終也辰敦銘霽舟霽令卽令終令
命也盤庚弔由靈傳云靈善也正義以爲爾雅釋詁文
今爾雅作令鄒風定之方中篇靈雨旣零鄭箋云靈善
也石鼓文作霽雨霽靈令聲義竝同互見
卷一靈善也下令各本譌作今今訂正

免墮也

未詳

科藂也

說見卷三
科本也下

毀虧也

誓制也

爾雅誓謹也郭璞注云所以約勅謹戒衆說文誓約束也釋名誓制也以拘制之也各本譌作制誓也今訂正謂指也

指而言之曰謂隱元年公羊傳云王者孰謂謂文王也

節已也

已猶止也

居據也

釋名云據居也晉語今不據其安韋昭注亦云

據杖也

說文據杖持也擗尾
柏舟篇云不可以據

如均也

堯典云
如五器

子已似也

未詳

注

此與下文義不相屬
當有脫文不可考矣

理媒也

楚辭離騷云吾令蹇脩以
爲理又云理弱而媒拙兮

滔漫也

說文滔水漫漫大兒堯典云浩浩滔滔天大雅蕩篇天降滔德毛傳云滔慢也水漫曰滔人慢曰滔其義一也故釋名云慢慢也漫漫心無所限忌也

吳跌也

吳之言傾側跌之言差跌也說文吳日西也又云廼日在西方時側也引離九三日廼之離今本作吳王嗣宗本作爪土喪禮下篇作側穀梁春秋經作稷竝字異而義同周官司市注云日廼跌中也史記天官書會至日跌爲稷漢書天文志作跌

妬嬾也

今俗語猶謂爭色曰嬾音若酒醉之醉

媯媯也

說見卷一嫫嫫妬也下嫫與媯同

秩程也

秩通作秩又作𣪠秩與程古聲義並同說文程品也又云𣪠爵之次弟也引堯典平𣪠東作今本作平秩史記五帝紀作便程說文𣪠從呈聲𣪠從𣪠聲讀若詩戠戠大猷今本作秩秩

膾脂也

說見釋器

輸寫也

小雅蓼蕭篇我心寫兮毛傳云輸寫其心也枚乘七發云輸寫澳濁引之云周語陽氣俱蒸土膏其動弗震弗渝脈其滿膏渝當讀爲輸謂輸寫其氣使達於外也左氏春秋隱六年鄭人來渝平公羊穀梁作輸平是渝輸古字通此言當土脈盛發之時不卽震動之輸寫之則其氣鬱而不出必滿塞而爲災也韋注訓渝爲變於上

下文義
稍遠矣

縣抗也

說見卷四
抗縣也下

朔蘇也

蘇與蘇通說文朔月一日始蘇也白虎通義云月言朔何朔之言蘇也明消更生故言朔也論語爲政篇皇侃疏引書大傳云夫正朔有三本天有三統明王者受命各統一正也朔者蘇也革也言萬物革更於是故統焉爾雅朔北方也堯典正義引李巡注云萬物盡於北方蘇而復生故言朔也是凡言朔者皆復蘇之義也

道迭也

道迭與
錯交通

汜替也

汜各本譌作
汜今訂正

資操也

資與齋通說見卷
三操齋持也下

緊糾也

說見卷一緊
糾急也下

款叩也

呂氏春秋愛士篇夜款門而謁
高誘注云款叩也款與款同

仰和也

徇營也

衆經音義卷十七引倉頡篇云徇求也莊子駢拇篇小
人則以身殉利司馬彪注云殉營也殉與徇通說文復

營求也。夔與徇古聲義亦同。抑風擊鼓篇于嗟洵兮韓詩洵作夙是其類矣。

民氓也

供養也

序射也

說見卷一
庠養也下

侯候也

春秋繁露漢察名號篇云號爲諸侯者宜謹視所候奉之天子也。王制正義引春秋元命包云侯者候也。候王順逆也。又周官小祝掌小祭祀將事侯禴禱祠之祝號。鄭注云侯之言候也。候嘉慶祈福祥之屬。

位莅也

莅或作涖。僖三年穀梁傳云莅者位也。古者位莅立三字同聲而通用。周官鄉師執斧以涖。匠師鄭注云故書

位作立鄭司農云立讀爲位小宗伯掌建國之神位注云故書位作立鄭司農云立讀爲位古者立位同字古文春秋經公卽位爲公卽立肆師用牲于社宗則爲位注云故書位爲位杜子春云位當爲位各本位下脫去也字遂與下條相連孝經正義引廣雅位莅也今據以補正

祿也

祿下蓋脫錄字位莅祿錄皆取同聲之字爲訓周南樛本正義引孝經援神契云祿者錄也上所以敬錄接下所以謹錄事上白虎通義同

要約也

逋竄也

劓刖也

說見卷一刑劓斷也下劓與刖同

御侍也

檜距也

說文檜裏柱也又云定距也定距與檜距同考工記弓人維角定之鄭衆注云定讀如甬距之甬車甬之甬司馬相如長門賦云離樓梧而相檜漢書匈奴傳云陳遵與單于相甬距竝字異而義同檜各本譌作控自宋時本已然故集韻類篇竝引廣雅控距也考說文玉篇廣韻俱無控字今訂正

礙闕也

礙與闕同聲而通用說文礙止也小爾雅闕限也列子黃帝篇云雲霧不礙其視又云物無得傷闕者力命篇云孰能礙之太元難次六云上較于山下觸于川竝字異而義同

闕閑也

說文闕門遮也楚語爲之闕籥蕃籥而遠備閑之韋昭注云閑闕也闕通作蘭魏策云有河山以蘭之史記魏

世家
作闕

鐫鑿也

方言鐫椽也晉趙謂之鐫說文鐫破木鐫也一日琢石也淮南子本經訓鐫山石高誘注云鐫猶鑿也求金玉也鹽鐵論通有篇云鑽山石而求金銀鑽與鐫聲近義同

水準也

管子水地篇云水者萬物之準也白虎通義云水之爲言準也養物平均有準則也水與準古同聲而通用考工記轉人轉注則利準栗氏權之然後準之故書準竝作水

眈眈也

玉篇眈目瞬也廣韻云目眇視也衆經音義卷一引通俗文云一目眨曰眈眈與眈同

剝天也

鄭注王制云天斲殺也說文剝絕也引甘誓天用剝絕其命今本作剝管子五行篇云數剝竹箭漢書外戚傳云命操絕而不長竝字異而義同

級等也

冤枉也

書著也

說文書著也釋名書庶也紀庶物也亦言著也著之簡紙永不滅也賈子道德說篇云著此竹帛謂之書書者此之著者也

刊切也

切膾也

竝見卷一創刊切斲也下創與膾通刊各本譌作刊今訂正

委

累也

各本皆作委闕也案委與闕義不相近此因委下脫去累也二字而下文闕下又有脫字遂誤合爲一條文選赭白馬賦注云廣雅曰委累也言累加之也今據以補正委之言委積也大戴禮四代篇云委利生孽

闕也

小雅節南山傳云闕息也大射儀注云闕止也文王世子注云闕終也

率挽也

劇利也

說見卷二

副劓也

說見卷四副劓劓也下

誛是也

大學引大甲願誛天之明命鄭注云誛猶正也說文正是也是誛聲義竝同

君羣也

逸周書太子晉解云侯能成羣謂之君荀子王制篇云君者善羣也羣道得則萬物皆得其宜六畜皆得其長羣也羣天下萬物而除其害者謂之君

臣繕也

白虎通義云臣者繕也堅也屬志自堅固也繕與繕通

愛優也

說見卷一翳愛也及卷二雙障也下愛優雙竝通

指斥也

詠諧也

說見卷二詠諧諠也下

書如也

書序正義引璿璣鈴云書者如也寫其言如其意情得展舒也

凌暴也

麟轆也

說文轆車所踐也又云麟轆也漢書司馬相如傳云掩菟麟鹿又云藺元鶴亂昆雞又云徒車之所闚轆王商傳云百姓奔走相蹂躪後漢書班固傳云蹂躪其十二三並字異而義同

諛謫也

末衰也

繫辭傳云
殷之末世

孽剖也

憤盈也

說見
卷一

劇判也

說見卷一判
劇分也下

饑也

饑說文玉篇廣韻竝作饑說文饑也饑小食也饑曹
憲音祈各本脫去饑字其音內祈字又誤入正文集韻
類篇竝引廣雅謙祈也則宋時廣雅本已誤案諸書無
訓饑為祈者史記司馬相如傳噍咀芝英兮噉瓊華徐
廣音義云噉音祈小食也顏師古漢
書注云噉音機又音祈今據以訂正

僚經也

僚與素通素經皆常也法也宣十一年左傳云不愆于素士喪禮獻素鄭注云形法定爲素素與索古同聲故索亦訓爲法定四年左傳疆以周索杜注云索法也正義引考工記量器銘時文思索鄭注考工記云言是文德之君思求可以爲民立法者而作此量廓風定之方中箋引考工記索作素

貢功也

說文貢獻功也禹貢厥貢漆絲鄭注云貢者百功之府受而藏之周官大宰賦貢以馭其用注云貢功也九職之功所稅也曲禮五官致貢曰享注云貢功也致其歲終之功效於王

踽踽也

未詳

翹尾也

說文翹尾長毛也楚辭九歎云搖翹奮羽

懲恐也

繫辭傳云小人不威不懲是懲爲恐也字亦作承哀四年左傳諸大夫恐其又遷也承杜預注云承音懲蓋楚言

書記也

捆拊也

未詳

隍陴也

方言隍陴也郭璞注云江南人呼梯爲隍所以隍物而登者也音割切也案隍陴皆長貌也方言黹短也隍陴也遠長也三者文義相承廣雅卷二云隍長也曹憲音牛哀反漢書司馬相如傳臨曲江之隍州兮張注云隍

長也。隋玉篇音於奇切。說文：隋上黨。隋氏阪也。小雅：節南山篇有實其猗毛。傳云：猗長也。猗與隋通。淮南子：本經訓：積牒旋石以純脩。猗文選：吳都賦注引許慎注云：碣長邊也。碣與隋亦聲近。義同。

嬾託也

說見卷三。嬾侏寄也。下侏與託同。

適悟也

方言：適悟也。郭璞注云：相觸迂也。悟與悟通。史記：韓非傳云：大忠無所拂悟是也。適之言枝也。相枝悟也。枝適語之轉。小雅：我行其野。傳云：祇適也。祇之轉爲適。猶枝之轉爲適矣。

梗略也

方言：梗略也。郭璞注云：梗概大略也。張衡東京賦：故粗謂賓言其梗槩如此。辭綜注云：梗槩不纖密言粗舉大綱如此之言也。

鏢燥也

卷二云燥
錄乾也

姬基也

褚少孫續三代世表云堯立后稷以爲大農姓之曰姬
氏姬者本也太平御覽引春秋元命包注云姬之言基
也

優渥也

灑疑也

疑之言擬議也說文灑議臯也漢書景帝紀云諸獄疑
若雖文致於法而於人心不厭者輒灑之灑與灑同漢
書鼂錯傳通關去塞不擘諸侯如淳注云擘疑
也去關禁明無疑於諸侯擘與灑義亦相近

掄貫也

說文掄
貫也

囹圄也

囹圄二字曹憲竝音由玉篇囹圄竝余周五戈二切鳥
媒也廣韻囹圄竝以周切囹又五禾切案囹與圄義同
而音異囹從化聲讀若譌圄從絲聲讀若由廣雅囹圄
也則二字之不同音甚明玉篇廣韻廣雅音合囹圄為
一字皆非也說文囹字注云譯也從口化聲率鳥者繫
生鳥以來之名曰囹讀若譌則囹與圄異音其圄字注
當云囹也從口絲聲而今本云囹或從絲則後人據玉
篇改之也潘岳射雉賦恐吾游之晏起慮原禽之罕至
徐爰注云游雉媒名江淮閒謂之游游即囹之借字不
得與囹同音龍龕手鑑囹音由囹五禾反與玉篇廣韻
異當別有所本也

齋持也

說見
卷三

彈拏也

說文拏彈也拏與拏同衆經音義卷十四引仲長統昌言云繩墨得拏彈

遺亾也

購償也

說文購呂財有所求償也

摘恭也

未詳

賢尊也

賤卑也

梨缺也

史記司馬相如傳挈三神之驩集解引韋昭云挈缺也漢書毋將隆傳契國威器李奇注云契缺也挈契竝與

傅敷也

傅敷古同聲而通用堯典敷奏以言漢書宣帝紀作傅禹貢禹敷土史記夏本紀作傅

捫捫也

說文捫偏引也小雅小弁篇伐木捫矣毛傳云伐木者捫其顛幽風七月篇捫彼女桑傳云角而束之曰捫正義云襄十四年左傳譬如捕鹿晉人角之諸戎捫之則捫角皆遮截束縛之名也故云角而束之曰捫角捫捫捫古通用

孝度也

孝經正義引援神契云諸侯行孝曰度言奉天子之法度得不危溢是榮其先祖也

州浮也

驛肥也

說見釋親
驛驛也下

椁廓也

椁字亦作槨鄭注檀弓云椁大也言椁大於棺也白虎通義云槨之爲言廓所以開廓辟土無令迫棺也釋名云槨廓也廓落在城外也郭與椁亦同義

陰闈也

說文陰闈也陰闈古同聲而通用
無逸乃或亮陰喪服四制作諒闈

迪蹈也

迪蹈古同聲皋陶謨云允迪厥德

儻扶也

說文麗旅行也字或作儻又作離玉篇云字書儻與儻同說文扶竝行也讀若伴侶之伴

并兼也

穰豐也

則卽也

卑庫也

綢緙也

爾雅素錦綢杠郭璞注云以白地錦韜旗之竿鄉射禮記作緙綢緙韜字異而義同

跑趯也

玉篇跑蹴也釋名云靄跑也其所中物皆摧折如人所蹙跑也蹙與蹴同玉篇趯足擊聲卷三云操擊也張衡

西京賦流鏑擣擣聲也擣與跑擣與鈞聲義竝相近

妨娉也

說見卷三娉
妨害也下

梟磔也

說文梟到首也賈侍中說此斷首到縣梟字亦通作梟
說文梟不孝鳥也日至捕磔梟之從鳥首在木上又云
桀磔也從舛在木
上是磔與梟同義

辟法也

爾雅辟法也酒誥
云越尹人祇辟

乍暫也

墨子兼愛篇引泰誓云文王若日若月乍光于四方于
西土字亦作乍又作詐定八年左傳桓子乍謂林楚杜

預注云昨暫也僖三十一年公羊傳詐戰不日何休注云詐卒也

墾均也

夏小正農率均田傳云均田者始除田也鄭注曲禮云除治也卷三云墾治也周語云土不備墾

僉過也

過之言過也夥也方言云凡物盛而多齊宋之郊楚魏之際曰夥自關而西秦晉之間凡人語而過謂之過或曰僉又云僉勦也僉夥也勦亦過甚之意

俚聊也

聊猶藪也秦策云民無所聊餘見上文俚賴也下

驥企也

易是類謀在主驥用鄭注云驥庶幾也又文王世子注引孝經說云大夫勤於朝州里驥於邑字或作冀又作

覲竝

扳援也

隱元年公羊傳諸大夫扳隱而立之何休注云扳引也義與攀同

煨火也

煨曹憲音隈柴卷四云煨煨也然則煨者以火溫物不得直訓爲火煨當爲燥字之誤也方言燥火也楚轉語也猶齊言火焜也郭璞注燥呼隗反玉篇廣韻及汝墳釋文竝同

遺離也

說見
卷三

浮游也

涑澣也

棟字或作漱澣本作澣說文凍澣也內則冠帶垢和灰請漱衣裳垢和灰請澣鄭注云手曰漱足曰澣正義云此漱澣對文爲例耳散則通也

契刻也

說文契刻也玉篇苦結切廣韻又苦計切爾雅契絕也郭璞注云今江東呼刻斲物爲契斲繫辭傳後世聖人易之以書契書序正義引鄭注云書之於木刻其側爲契定九年左傳盡借邑人之車鏤其軸杜預注云鏤刻也荀子勸學篇鏤而舍之朽木不折大戴禮作楔淮南子本經訓鑄山石鏤金玉竝字異而義同刻謂之鏤故刻薄謂之鏤薄後漢書劉陶傳寬鏤薄之禁李賢注云鏤刻也

劓削也

玉篇劓滅也削也說文削挑取也卷四云削劓也

牟倍也

楚辭招魂成梟而牟呼五白些王逸注云倍勝爲牟惟南子詮言訓善博者不欲牟太平御覽引注云博以不傷爲牟牟大也進也義與楚辭注同倍勝謂之牟猶多取利謂之牟利故高誘注時則訓云牟多也

剗剗也

說見卷三剗剗屠也下

剗剗也

卷二云剗裂也玉篇剗丁侯切小裂也廣韻云剗剗小穿也剗亦剗也玉篇廣韻竝音圭云裂也

謹諫也

說文謹謹媿也媿與諫通謹各本譌作謹今訂正

期卒也

期之言極也小雅南山有臺篇云萬壽無期萬壽無疆魯頌駉篇云思無疆思無期百年日期義亦同也

許與也

末墜也

踐躅也

曲禮云毋躅
席躅與躅同

酌漱也

未詳

歎
誤也

歎字亦作噴又作溢衆經音義卷二十引三倉云誤噴也又引通俗文云含水溢曰溟莊子秋水篇云噴則大者如珠小者如霧易林噬嗑之兌云蒼龍銜水泉誤屋柱各本皆脫歎字衆經音義卷十九引廣雅歎誤也今據以補正

調啁也

說見卷四
啁調也下

諧牒也

蘇林注漢書禮樂
志云牒諧第之也

齋慄也

孟子萬章篇引書夔夔齋栗史記周本紀乃告
司馬司徒司空諸節齊栗信哉齋齊慄栗竝通

狄辟也

災苗也

爾雅田一歲曰苗孫炎注云始災殺其草木也說文
苗古文作苗是苗與災同義故經傳災字多借作苗

恭肅也

泄洩也

洩與溢通禹貢云洩爲滎中庸云振河海而不泄是洩爲溢也洩各本譌作洩衆經音義卷八卷十八二十五竝引廣雅洩溢也洩漏也今據以訂正

泄漏也

固陋也

臺支也

方言臺支也釋名臺持也築土堅高能自勝持也持與支同義

表特也

楚辭九歌表獨立兮山之上王逸注云表特也

誇讖也

說文諛誕也。誇諛也。廣韻引東觀漢記云：「雖誇諛猶令人熱。」褚少孫續日者傳：「夫卜者多言誇嚴以得人情。」嚴與諛通。諛各本。諛作諛。今訂正。

氏抵也

氏讀氏羌之氏。太平御覽引風俗通義云：氏言抵冒貪饕至外好利也。抵與抵通。

廟兒也

兒與貌同。書大傳云：廟者貌也。以其貌言之也。桓二年左傳正義引白虎通義云：宗者尊也。廟者貌也。象先祖之尊貌。桓二年公羊傳注云：廟之爲言貌也。思想儀貌而事之。周頌清廟箋云：廟之言貌也。以者精神不可得而見。但以生時之居立宮室象貌爲之耳。

貳汙也

貳當作膩。玉篇：膩，垢膩也。曹憲音有女史二字。卽女史之譌。

貳發也

未詳

齊整也

懍戰也

條枝也

扣掘也

說見卷三掘
扣穿也下

殃禍也

數術也

劣鄙也

鈔掠也

蔥慎也

蔥各本譌作葱惟影宋本皇甫本不譌論語泰伯篇慎而無禮則蔥何晏注云蔥畏懼之貌大戴禮曾子立事篇云人言善而色蔥焉近於不悅其言荀子議兵篇認認然常恐天下之一合而軋已也漢書刑法志作鯁蘇林注云鯁音慎而無禮則蔥之蔥鯁鯁懼貌也王延壽魯靈光殿賦云心猓猓而發悸竝字異而義同卷四云慎恐也

姤遇也

姤彖傳文也爾雅作遯同

律率也

太平御覽引春秋元命包云律之爲言率也所以率氣令達也又引宋均注云率猶遵也續漢書律厓志注引

月令章句云律者清濁之率法也周官典同注云律述氣者也述與率通中庸上律天時注亦云律述也

憤情也

繫辭傳聖人有以見天下之賾京房作噴云噴情也大元元瑩云陰陽所以抽噴也噴情也賾噴竝與憤通

祭析也

說見卷一析祭分也下析各本譌作折今訂正

菽蓀也

菽之言茂蓀之言苞也爾雅云苞茂豐也又云苞稩也孫炎注云物叢生曰蓀漢書武五子傳頭如蓬蓀顏師古注云草叢生曰苞呂氏春秋審時篇云得時之稻大本而莖蓀說文蓀草盛兒又云菽細草叢生也漢書律麻志冒菲於苧顏師古注云菲謂叢生也菲與菽通互見釋訓菽菽蓀蓀茂也下

誕訑也

玉篇誕詭言也方言云江湘之閒凡小兒多詐而猶謂之姁姁姁也又云眠姁欺慢之語也姁與誕通說文沈州謂欺曰訛燕策云寡人甚不喜訛者言也訛與詭同

慘毒也

說文慘毒也莊子庚桑楚篇云兵莫憐于志鏌鋦爲下漢書陳湯傳云慘毒行於民谷永傳云撈箠瘡於炮烙竝字異而義同

躓是也

隱十一年左傳犯五不躓而以伐人釋文引倉頡篇云躓是也昭二十年傳云君子躓之薛綜注東京賦云躓善也善亦是也史記宋世家五是來備後漢書荀爽傳作五躓皆謂善也說文躓擗文作倬管子水地篇云水者違非得失之質也違亦與躓同

扼摘也

玉篇扼乃果切扼摘趙魏云也集韻云
趙魏之間謂摘爲揀扼揀音烏果切

焉譌也

譌猶化也說見卷三
焉匕也下匕與化通

變樊也

變與攀同義樊與攀同義說文變樊也樊驚不行也王
篇樊力全切樊變也說文攀係也小畜九五有孚攀如
馬融注云攀連也變
各本譌作變今訂正

善佳也

纒暫也

粲鮮也

小雅伐木篇於粲洒
掃毛傳云粲鮮明貌

紹繫也

說見卷二紹
繫緝也下

期時也

咳包也

咳與
該通

箋云也

未
詳

葉世也

商頌長發篇咎在中
葉毛傳云葉世也

曾是也

未詳

視比也

雜記妻視叔父母
鄭注云視猶比也

執脅也

執與儻通脅與儻通說見卷
四儻怯也及下文儻服也下

譏譴也

譏通作幾周官宮正幾其出入鄭注云幾呵其衣服
持探及疏數者衆經音義卷三引倉頡篇云譴呵也

諭曉也

豕挽也

說文豕豕走挽也挽與脫通脫豕聲相近豕猶遜也遜
或作遂漢書匈奴傳贊遂逃竄伏字從彘豕聲豕遜聲

亦相近

踈蹲也

說見卷三蹲
踈踞也下

諛諛也

鄭注大司樂云倍文曰諛又注瞽矇云
諛誦詩謂闇讀之不依詠也闇與諛通

贈稱也

太平御覽引春秋說題辭云贈
之為言稱也襍之為言遺也

甲押也

史記律書云甲者言萬物剖符甲而出也索隱云符甲
猶孚甲也漢書律厯志云出甲於甲說文甲位東方之
孟陽氣萌動從木戴孚甲之象卷四云押輔
也然則萬物初出有孚甲以自輔故云押也

乙 軌也

律書云乙者言萬物生軌軌也律麻志云奮軌於乙說文乙象春草木冤曲而出陰氣尙彊其出乙乙也

丙 炳也

律書云丙者言陽道著明律麻志云炳於丙說文丙位南方萬物成炳然

癸 揆也

律書云癸之爲言揆也言萬物可揆度也律麻志云陳揆於癸鄭注月令云王之言任也癸之言揆也冬時萬物皆懷任於下揆然萌芽以上所釋十幹名義凡四條其庚更也已見卷三丁強也已見卷四戊茂也已紀也壬任也已見本卷惟缺辛字一條蓋傳寫遺脫也律麻志云悉新於辛月令注云庚之言更也辛之言新也秋時萬物皆肅然改更秀實新成

子 孳也

律書云子者滋也言萬物滋於下也律厯志云孳萌於子說文子十一月陽氣動萬物滋滋與孳通丑紐也

律書云丑者紐也言陽氣在上未降萬物戾紐未敢出也律厯志云紐牙於丑釋名云丑紐也寒氣自屈紐也寅演也

律書云寅者言萬物始生嶼然也律厯志云引達於寅釋名云寅演也演生物也演嶼引古竝同聲

辰振也

律書云辰者言萬物之振也律厯志云振美於辰說文辰震也三月陽氣動雷電振民農時也振震振竝通

巳呂也

律書云巳者言陽氣之已盡也律厯志云已盛於巳說文巳已也四月陽氣已出陰氣已滅萬物見成文章已

與呂同

午侂也

律書云午者陰陽交午律麻志云罟布於午說文午悟也五月陰氣悟逆陽冒地而出也侂悟罟古竝同聲

未味也

律書云未者言萬物皆成有滋味也

亥菱也

各本誤在息休也之下今訂正說文亥菱也十月微陽起接盛陰以上所釋十二枝名義凡八條其酉就也已見卷三申伸也已見卷四惟缺卯戌二條律書云卯之爲言茂也言萬物茂也戌者言萬物盡滅律麻志云冒菲於卯畢入於戌說文卯冒也二月萬物冒地而出戌滅也九月陽氣微萬物畢滅

息休也

仔克也

爾雅肩堪克也說文仔克也周頌敬之篇佛時仔肩毛傳云仔肩克也鄭箋云仔肩任也任亦堪也

僞引也

諸書無訓僞爲引者僞當作傷字之誤也說文傷引爲賈也玉篇音於建切後漢書崔寔傳悔不小靳可至千萬靳或作傷字又作𧈧玉篇𧈧物相當也廣韻𧈧引與爲價也案引爲價謂引此物以爲彼物之價卽相當之意也引傷語之轉耳上文云仔克也下文云僞態也侍承也傲戒也倣交也倣倨也側旁也皆出說文人部傷也亦是也

僞態也

僞之言善也說文倣作姿態也

侍承也

傲戒也

佼交也

傲倨也

側旁也

寤想也

寤經傳通作夢列子周穆王篇云神遇爲夢

逆道也

道通作錯卷三云逆亂也亂亦錯也

癘疣也

註疏也

說見卷三註疏議也下

詒衙也

說見卷三衙詒賣也下衙與衙同

皋局也

局之言曲也小雅正月篇不敢不局毛傳云局曲也鶴鳴篇鶴鳴十九皋韓詩云九皋九折之澤王逸注離騷云澤曲曰皋是皋局皆曲也皋爲曲局之局又爲界局之局文選西京賦實惟地之奧區神皋李善注云廣雅曰皋局也謂神明之界局也

厯逢也

王逸離騷注文

匄市也

說文匄市也字通作合王制云天子不合圍

度匿也

論語爲政篇人焉廋哉孔傳云
度匿也互見卷四度隱也下

憊寢也

衆經音義卷十四引三倉云憊說言也說文憊寢言不
慧也寢瞑言也列子周穆王篇云眠中吟嚙呻呼瞑眠
寢寢
竝同

慌寢也

說文說寢言也義與
慌同下文云說忽也

鹹銜也

說文鹹
銜也

礙距也

說文礙止也距止也距與距通

科品也

說文科程也程品也

糖揆也

說見卷四

嬈苛也

說見卷二嬈詭透掃嬈也下

媠嬭也

經傳通用褻憤

痾瘞也

說見卷二 矧痔短
也下矧與痊通

鉏鈔也

鉏各本譌作鉏今訂正說文鈔鐵鉏也鉏鈔也徐錯傳
云鉏猶箭也說文箭筈也釋名云鑷攝也攝取髮也鉏
箭鑷竝同義筈與鈔亦同義字又作鉏周官典同注鉏
讀爲飛鈔涅縮之鉏鬼谷子作飛箭陶宏景注云筈謂
牽持絨束令不得脫也射鳥氏注并夾鉏箭具釋文引
沈重云鉏或作鈔後漢書陳寵傳絕鈔鑽諸慘酷之科
李賢注引倉頡篇云鈔持也又引說文鈔鐵鉏也
卷三云拈批持也拈與鈔批與鉏亦聲近而義同

嫖權也

說見釋訓嫖
權都几也下

軍圍也

說文軍圍圍也呂氏春秋明理篇其日有暈珥高誘注
云暈讀如君國子民之君氣圍繞日周而有似軍營相

圍守故曰暈也淮南子覽冥訓晝隨灰而月運闕高注
云運讀連圍之圍運者軍也將有軍事相圍守則月運
出也軍運圍
古聲竝相近

賈固也

白虎通義云賈之爲言固也固其有
用之物以待民來以求其利者也

柰那也

那各本譌作柰今訂正宣二年左傳棄甲則柰何也柰何二字單言之則曰柰揚雄廷尉箴云惟
虐惟殺人莫子柰是也那爲柰何而
又爲柰若諸爲之於而又爲之矣

甚勗也

猥頓也

頓猶突也月令寒氣總至鄭注云總猶猥卒也卒與猝
同猥猝皆頓也成十八年公羊傳疏引春秋說云厲公

猥殺四大夫言頓殺四大夫也漢書文三王傳何故猥
自發舒言頓自發舒也馬融長笛賦山水猥至言頓至
也

啓窺也

說見卷一窺啓視也下
啓各本譌作啓今訂正

時伺也

說見卷一觀視視也
下觀時視伺竝通

詭忽也

老子云無狀之狀無象之
象是謂忽怳怳與詭通

僦賃也

史記平準書索隱引通俗文云雇載
曰僦商子墾令篇云令送糧無取僦

捕搏也

牒窳也

未詳

圻垢也

西山經錢來之山其下多洗石郭璞注云澡洗可以礪體去垢圻

山宣也

藝文類聚引春秋說題辭云山之爲言宣也含澤布氣調五神也說文山宣也宣氣散生萬物

麥蕤也

蕤各本譌作程說文麥苾穀秋種厚蕤故謂之麥今據以訂正

墮咄也

嗙之言叱也廣韻嗙咄咄
呵也燕策云响籍叱咄

春蠢也

鄉飲酒義春之爲言蠢也產萬物者聖也鄭注云蠢動
生之貌也聖之言生也漢書律厯志云春蠢也物蠢生
迺動運春秋繁露陽尊陰卑篇云春之爲言猶僭僭也
喜樂之貌也僭與蠢通書大傳云春出也物之出也出
與蠢亦同義故考工
記梓人注云蠢出也

夏假也

鄉飲酒義夏之爲言假也養之長之假之仁也鄭注云
假大也書大傳云夏者假也吁茶萬物而養之外也律
厯志云夏假也物假
大迺宣平假與假通

跨奎也

跨通作跨爾雅驪馬白跨驕釋文引倉頡篇云跨兩股
閒也說文跨股也又云奎兩髀之間也莊子徐無鬼篇

奎蹄曲隈向秀注云股間也說文跨渡也方言半步爲
跬跬亦跨也跨與跨跬跬與奎聲相近皆中空之意也互
見卷二卦
刳屠也下

銳刳也

說文銳銳圓也刳削也一日齊也楚辭九章刳方以爲
圖兮王逸注云刳削也莊子齊物論篇五者園而幾向
方矣司馬彪注云刳圓削也漢書食貨志百姓抗敵以
巧法顏師古注云抗訛也謂摧挫也韓信傳刻印刳蘇
林注云刳音刳角之刳手弄角訛也酈會其傳刳作玩
淮南子泰族訓云摩而不玩訛與銳通園抗玩竝與刳
通

薄附也

薄之言傅也迫也說卦傳雷風相薄陸續注云相附薄
也楚辭九章腥臊竝御芳不得薄兮王逸注云薄附也

槩籥也

謂萌蘖也說見釋草苗孽也下苗苗孽孽竝通
或讀苗爲災害之災則孽爲天作孽之孽亦通

楊揚也

楊當作陽釋名云陽
揚也氣在外發揚也

月闕也

月令正義引春秋元命包云月之爲言闕也說
文月闕也十五稍減故曰闕也太陰之精象形

施券也

將扶也

捩擬也

說見
卷四

昌光也

說文昌
日光也

諱訾也

說見卷二諱
訾諍也下

剝勢也

玉篇剝直破也管子五輔篇博帶黎尹知章注云黎割也淮南子齊俗訓云伐榘枿豫章而剖黎之文選長楊賦分勢單于李善注引韋昭曰勢割也勢黎竝與剝同說文勢剝也劃也

瘵瘵也

說文瘵小兒瘵瘵病也漢書藝文志有金創瘵瘵方素問診要經終論云太陽之脈其終也戴眼反折瘵瘵潛夫論貴忠篇云哺乳太多則必掣縱而生癩竝字異而義同瘵之言掣瘵之言縱也說文云引而縱曰瘳瘳與同

品式也

說見卷四

似若也

唯茹也

唯與嚼同方言云茹食也

詆訴也

說見卷二詆訴諛也下

懾服也

服各本譌作般今訂正說文懾服也秦策云趙楚懾服史記項羽紀諸將皆懼服漢書作驚服陳咸傳作執服朱博傳作懾服竝字異而義同

嬾懸也

歛歔也

說文歛笑意也嵇康琴賦云
歛愉懽釋玉篇歔笑意也

打楮也

楮之言搯擊也秦策云句踐終
楮而殺之打見卷三打擊也下

掣擊也

玉篇掣研破也研與
擊同說文擊摩也

棘辛也

說見卷三
痢痛也下

伶綴也

未詳

磨共也

磨通作靡中孚九二我有好爵吾與爾靡之釋文靡韓詩云共也孟同集解引虞翻注亦同

竅孔也

瘰癧也

玉篇瘰力代切惡病也又云癧說文力大切惡病也月令云民多疥癧韓非子姦劫殺臣篇云厲人憐王今俗作癩竝字異而義同

費耗也

新初也

扶挹也

玉篇扶兩手抱也漢書揚雄傳扶靈螭韋昭注云扶捧也

窳窳也

說見卷四窳藏也及卷七窳窟也下各本譌作窳窳也廣韻集韻類篇竝引廣雅窳窳也今據以訂正

壁瘡也

說文壁人不能行也瘡罷病也足不能行故謂之瘡病史記平原君傳壁者曰臣不幸有罷瘡之病是也瘡瘡

壁瘡

竝同

惠賜也

瘳瘳也

方言瘳病也東齊海岱之間曰瘳秦曰湛郭璞注云瘳謂勞復也廣韻引音諧云瘳病重發也玉篇瘳復病也瘳復瘳湛竝通傷寒論有大病差後勞復治法

詛謂也

曹憲云有本作只詞也集韻類篇引此作詛調也皆未知其審

匪彼也

小雅小旻篇如匪行邁謀是用不得于道鄭箋云匪非也君臣之謀事如此與不行而坐圖遠近是於道路無進於跬步何以異乎襄八年左傳子駟引詩云云杜預注云匪彼也行邁謀謀於路人也不得于道衆無適從也顧氏甯人杜解補正云案詩上文云謀夫孔多是用不集發言盈廷誰敢執其咎則杜解爲長古人或以匪彼通用二十七年引詩彼交匪敖作匪交匪敖惠氏定字毛詩古義云案此必三家詩有作彼者故杜據彼爲說兩無正云如彼行邁其意略同又漢書引桑扈詩亦作匪荀子勸學篇引采菽詩匪交匪舒今詩上匪字作彼或古匪彼通用如顧說也念孫案小旻三章云如匪行邁謀是用不得于道四章云如彼築室于道謀是用不潰于成語意正相同則匪卽彼也是以廣雅及杜注皆訓匪爲彼詩中匪字多有作彼字用者鄭風定之方

中篇匪直也人秉心塞淵猶言彼直也人秉心塞淵也
 檜風匪風篇匪風發兮匪車偈兮猶言彼風發兮彼車
 偈兮也小雅四月篇匪鶉匪鶉飛戾天彼鱸彼鮪則潛潛
 逃于淵言彼鶉彼鶉則翰飛戾天彼鱸彼鮪則潛逃于
 淵而我獨無所逃於禍患之中也猶上文云相彼泉水
 載清載濁我日構禍曷云能穀也何草不黃篇匪兕匪
 虎率彼曠野哀我征夫朝夕不暇言彼兕彼虎則率彼
 曠野矣哀我征夫何亦朝夕於野而不暇乎猶下文云
 有芄者狐率彼幽草有棧之車行彼周道也都人士篇
 匪伊莛之帶則有餘匪伊卷之髮則有旗言彼帶之莛
 則有餘彼髮之卷則有旗也猶上文言彼都人士莛帶
 而厲彼君子女卷髮如蠶也說者皆訓匪為非失之

屎柄也

說見釋器

駑駘也

餼餉也

廣韻餒噎聲也說文噎飯室也噎與餉同餒餉二字竝從飢隸體小異耳

寢偃也

射釋也

射義云射之爲言者釋也釋者各釋己之志也

脰鎔也

未詳

辯變也

王逸注九辯云辯者變也謂激道德以變說君也

拊抵也

王逸注九歌云拊擊也堯典云子擊石拊石拊各本譌作柷今訂正抵各本譌作抵案說文抵擠也從手氏聲

玉篇音多禮切說文抵側擊也從手氏聲玉篇音之是
切引秦策抵掌而言說文又云扞開也從手只聲讀若
抵掌之抵廣雅卷三云拊擊也此云拊抵也曹憲音紙
則其字當從氏今據以訂正史記滑稽傳抵掌談語集
解亦引秦策抵掌而言漢書杜周傳贊業因勢而抵
服虔注云抵音紙顏師古注云抵擊也朱博傳奮髯抵
几顏師古注云抵擊也音紙揚雄傳解嘲界涇陽抵穰
侯而代之蘇林注云抵音紙文選注引說文抵側擊也
後漢書隗囂傳人人抵掌李賢注引說文抵側擊也又
引趙策蘇秦與李兌抵掌而談張衡東京賦抵璧於谷
李善注引說文抵側擊也左思蜀都賦捥腕抵掌劉逵
注亦引秦策抵掌而言抵掌猶言拊掌故廣雅云拊抵
也抵與抵聲義各別漢冀州從事張表碑抵拂頑詢字
從氏不從氏是其證也而今本戰國策史記漢書後漢
書文選皆譌作抵世人多見抵
少見抵遂莫有能正其失者矣

約儉也

咀噍也

扞濞也

楚辭九章發憤以扞情王逸注云扞濞也

效驗也

效各本譌作驗文選閒居賦演連珠注竝引廣雅效驗也今據以訂正

觥角也

觥之言格角之言觸也方言鉤朱楚陳魏之間謂之鹿觥或謂之鈎格郭璞注云或呼鹿角說文觥骨角之名也樂記角觥生鄭注云無觥曰觥說文觥角中骨也東山經其神狀皆獸身人面載觥郭璞注云麋鹿角曰觥淮南子主術訓桀之力別觥伸鈎漢書司馬相如傳犧雙觥其柢之獸服虔高誘注竝云觥角也各本譌作角觥也今訂正

刷攻也

說見釋獸劇
攻獨也下

數象也

說見卷三惕敖戲
也下惕與慄通

維隅也

高誘注淮南子天
文訓云四角為維

𪔑縮也

謂退縮也釋名云辱𪔑也言折𪔑也方言𪔑𪔑𪔑也
說文朔而月見東方謂之縮𪔑𪔑𪔑𪔑𪔑𪔑𪔑𪔑𪔑𪔑
相近也

唵噉也

說文噉魚口上見也集韻引字林云唵噉魚口出水兒
韓詩外傳云水濁則魚噉惟南子主術訓水濁則魚唵

高誘注云魚短氣出口於水喘息之喻也馬融長笛賦云鱗魚鳴於水裔左思吳都賦噉鳴沈浮劉逵注云噉鳴魚在水中羣出動口兒

攘握也

說見卷一握拳舉也下拳與攘同

崽子也

方言崽者子也相玩之會凡言是子者謂之崽若東齊言子矣郭璞注云崽音臬聲之轉也

妖妖也

釋名妖妖也妖害物也妖與妖通

鐸筭也

史記平準書云算輶車賈人鐸錢皆有差漢書武帝紀初算緡錢李斐注云緡絲也以貫錢也一貫千錢出算

二十也說文
作錯義同

彼俾也

彼俾皆衰也說見卷二賴彼衰也下玉
篇俾與俾同彼與彼俾與賴古亦通用

邈也

邈下各本皆缺一字說文邈行邈邈也徐錯傳云漸迂
衰也司馬相如大人賦駕應龍象輿之螭略委麗兮麗
與邈同說文迤衰行也引禹貢東池北會于匯爾雅邈
迤沙邱郭璞注云宥行連延揚雄甘泉賦登降窈施李
善注云窈施邪道也窈施與邈迤同邈下所缺
或是迤字彼訓為俾邈訓為池皆衰之義也

離別也

贅肫也

說見卷二肫腫也
及上文贅屬也下

晁暉也

說見卷四
晁明也下

裝禼也

說見卷二裝禼節
也下裝與裝同

瞭矯也

集韻引埤倉云瞭細長也爾雅釋木小枝上繚爲喬郭
璞注云謂細枝皆翹繚上句者名爲喬木喬與矯繚與
瞭竝同義矯各本
譌作鬻今訂正

瘠痹也

說文瘠溼病也素問痹論云風寒溼三氣雜至合而爲
痹瘠各本譌作窘玉篇廣韻集韻類篇竝云瘠痹也今
據以訂正素問五常政大
論云皮瘠肉苛筋脈不利

癩癘也

集韻引字林同癩
見卷二癩腫也下

吞咽也

難難也

說見卷三
難少也下

焮焮也

說見卷三焮
焮熾也下

毓長也

此下八條皆一字兩訓而其義相反郭璞爾雅注云以
徂爲存以亂爲治以曩爲曩以故爲今此皆詁訓義有
反覆有通美惡不嫌同名是也爾雅育長也抑風谷風
篇旣生旣育鄭箋云育謂長老也說文引堯典教育子

今本作胄子馬融注云
胄長也胄育毓古同聲

毓
稚也

幽風鴟鴞篇鶯子之閔斯毛傳云鶯稚也正義云釋言
鞠稚也郭璞曰鞠一作毓毓育鞠古亦同聲各本稚上
無毓字又下文曩鄉也陶憂也惰泥也無曩陶
惰三字皆是後人所刪說見上文漠怕也下

曩
久也

爾雅文也久猶舊也楚辭
九章云猶有曩之態也

曩
鄉也

亦爾雅文也竝著於此所以別異義也襄二十四年
左傳云曩者志入而已說文曩不久也曩與鄉同

陶
喜也

陶
憂也

竝說見卷二
鬱悠思也下

漚清也

漚泥也

此二條已見釋詁復
著之亦以別異義也

鐮栳也

方言凡箭鏃胡合贏者四鐮或曰鈎腸三鐮者謂
之羊頭郭璞注云鐮栳也餘見上文廉栳栳也下
凡諸書引廣雅而今本全脫其文者釋詁釋言莫可區
別皆附載於此篇之末
祕密也

見玉
篇

璜璜也

見唐風鵝羽釋文說文稊種稊也爾雅苞稊也孫炎注云物叢生曰苞齊人名曰稊鵝羽箋云稊者根相迫迭相致考工記輪人稊理而堅聘義稊密以栗鄭注並云致也稊與稊通說文參稊髮也引獻風君子偕老篇參髮如雲今本作鬢義亦與稊同說文稊稊也史記齊悼惠王世家云漢耕稊種

稊

文選束皙補亡詩及謝靈運過始甯野詩注並引廣雅稊稊也

禦敵也

見莊子馬蹄釋文

酒滋液也

衆經音義卷二及集韻類篇並引廣雅酒滋液也衆經音義卷二十五引廣雅滋液也玉篇酒才周切酒液也鄒陽酒賦云甘滋泥泥司馬相如封禪文云滋液滲漉揚雄羽獵賦云上獵三靈之流下決醴泉之滋

襦效也

見衆經音義卷六卷十八效通作奪說
文襦奪衣也訟上九云終朝三褫之
刷刮也

見衆經音義卷九說文刷刮也周
官凌人秋刷鄭衆注云刷除冰室
契

集韻引廣雅契刮也說文契字注
云斲契刮也玉篇云斲契刷刮也
陵侮也

衆經音

義同上

剗鏤也

見衆經音

義卷十三

講請也

見衆經音

義卷十六

蹟頓也

見衆經音義卷十七爾雅蹇踳也
蹇仆也蹇與蹟通說文仆頓也

鎮竿也

見衆經音義卷十八說文鎮博厭也厭竿也厭通作
壓衆經音義卷二十四引倉頡篇云壓鎮也竿也
蹟蒙也

見衆經音義

卷二十一

角試也

見衆經音義卷二十二二十四月令云天子乃命將帥
講武習射御角力呂氏春秋孟冬紀同高誘注云角猶

試也管子七法
篇云春秋角試
兔抑也

見衆經音義

卷二十二

嘗暫也

見衆經音義卷

二十三二十四

泄發也

鄙猥也

竝見衆音義

卷二十五

弛釋也

見文選魏都賦注周官大司
樂令弛縣鄭注云弛釋下之

長楊賦意者以爲事罔隆而不殺物靡盛而不虧魯靈
光殿賦意者豈非神明依憑支持以保漢室者也李善
注竝引廣雅意疑也案意者猶言或者故乾文言云或
之者疑之也漢書文三王傳於是天子意梁顏師古注
亦云意疑也意亦擬度之辭也禮運云聖人耐以天下
爲一家以中國爲一人者非意之也必知其情辟於其
義明於其利達於
其患然後能爲之
果能也

見西征賦注孟子梁惠王篇君是以不果來也離婁篇
果有以異於人乎趙岐注竝云果能也晉語是之不果
奉而暇晉是皇韋昭注
云果克也克亦能也
希庶也

西征賦注左思詠史詩注嵇康幽憤詩注傅咸贈何劭
王濟詩注引廣雅竝同希者庶幾之合聲故希又訓爲

庶爾雅庶幾尙也庶

幸也皆謂希望也

秀異也

見遊天台

山賦注

浮罰也

見閒居賦注投壺若是者浮鄭注云浮罰也晏子春秋雜篇云景公飲酒田桓子侍望見晏子而復於公曰請浮晏子浮罰一聲之轉論語公冶長篇乘桴浮於海馬融注云桴編竹木大者曰楸小者曰桴楸之轉爲桴猶罰之轉爲浮矣

載則也

見高唐賦注廓風載馳篇載馳載驅幽風七月篇春日載陽鄭箋竝云載之言則也

漸稍也

見謝靈運遊南亭詩注說文稍出
物有漸也趙策云稍稍蠶食之
違異也

見沈約學省愁臥詩注
抑風谷風傳云違離也
拈挫也

見潘岳馬汧督誄注及華嚴經卷五十五
音義莊子人間世篇云自拈擊於世俗
喝嘶也

見謝莊宋孝武宣貴妃誄注方言嘶嗑噎也楚曰嘶秦
晉或曰嗑又曰噎噎與咽同謂嗚咽也嗑與喝同司馬
相如子虛賦榜人歌聲流喝郭璞注云言悲嘶也論衡
氣壽篇云兒生號啼之聲鳩朗高暢者壽嘶喝溼下者
天後漢書張酺傳王青被矢貫咽音聲流喝李賢注云
流或作嘶又引廣倉云喝聲之幽也方言又云東齊聲
散曰嘶秦晉聲變曰嘶說文誓悲聲也周官內饗鳥曠
色而沙鳴鄭注云沙嘶也內則注作嘶正義作斯云斯

謂酸嘶漢書王莽傳莽爲人大聲而嘶
顏師古注云嘶聲破也茲字異而義同
風聲也

見王僧達祭顏光祿文注詩序云風教也禹貢
云聲教訖于四海文六年左傳云樹之風聲
方所也

見後漢書
黃憲傳注
垠号也

見張衡傳注說文垠地垠也一曰岸也文選西京賦注
引許慎淮南子注云垠鍔端厓也鍔與号通淮南子俶
眞訓作垠漢書揚雄傳作鄂垠荀子成相篇作銀淮南
子俶眞訓作圻又作埜漢書敘傳作圻竝字異而義同
講讀也

見初學記
太平御覽

論道也

見初學記以上二條說
見卷二讀道說也下

馭駕也

見華嚴經卷

十一音義

祿祖也

見集韻類篇玉篇云祿
呪詛也呪祿一聲之轉

擄拘也

同上玉篇
擄手瑒也

楷闔也

同上玉篇楷半孔切心亂心迷也集韻又謨蓬謨中彌
登母巨四切爾雅夢夢亂也孫炎注云昏之亂也大雅

抑篇云視爾夢夢又爾雅僂僂惛也釋文僂字或作僂說文僂不明也竝字異而義同

別癢也

同上說文別癢也廣韻直引切云杖痕腫處衆經音義卷九云今俗謂肉斗腫起爲癢疹或言癢別也

諛諛也

同上諛玉篇音虛儉息廉二切說文引立政勿以諛人徐錯傳云諛猶險也今本諛作儉馬融注云儉利佞人也說文儉儉諛也儉利干上佞人也愚疾利口也引盤庚相時愚民今本愚作儉馬融注云儉利小小見事之人也韓非子詭使篇云損仁逐利謂之疾險竝字異而義同文選顏延之和謝監靈運詩注引倉頡篇云諛佞諂也孟子公孫丑篇諛辭知其所蔽趙岐注云險諛之言荀子成相篇云讒人罔極險諛傾側詩序云內有進賢之志而無險諛私謁之心竝字異而義同

塵廕也

同上玉篇亦云塵磨也磨與覆同義說文燿道中外人
人所覆也引小雅小弁篇行有外人尙或燿之今本作
瑾毛傳云瑾路冢也瑾與塵義相近

廣雅疏證卷五下終

廣雅疏證卷六上

魏清河張揖撰

高郵王念孫疏證

釋訓

顯顯察察著也

大雅假樂篇顯顯令德中庸作憲憲老子云俗人察察我獨悶悶明著謂之察察故潔白亦謂之察察楚辭漁父云安能以身之察察受物之汶汶者乎

洞洞屬屬切切恂恂閭閻翼翼濟濟畏畏祗祗敬也

禮器云洞洞乎其敬也屬屬乎其忠也說文忠敬也祭義云洞洞乎屬屬乎如弗勝如將失之其孝敬之心至也與說文屬謹也屬與屬亦同義論語子路篇朋友切切悃悃兄弟怡怡馬融注云切切悃悃相切責之貌怡切悃悃兄弟怡怡馬融注云切切悃悃相切責之貌怡怡和順之貌案切切悃悃蓋皆敬貌也朋友則尚敬兄弟則尚和大戴禮曾子立事篇云宮中雍雍外焉肅肅

兄弟喜喜朋友切切遠者以貌近者以情近者以情近者以情謂
雍雍喜喜也和也遠者以貌謂肅肅切切也敬也切亦
通作漆祭義漆漆者容也自反也鄭注云漆漆讀如朋
友切切自反猶言自脩整也是鄭意亦以切切爲敬也
論語鄉黨篇恂恂如也似不能言者王肅注云恂恂溫
恭之貌史記孔子世家恂恂似不能言者索隱云或本
作逡逡李將軍傳云俊俊如鄙人口不能道辭卷一云
俊俊也漢祝睦後碑云鄉黨逡逡劉脩碑云其於鄉黨
遜遜如也竝字異而義同鄉黨與下大夫言侃侃如也
與上大夫言闇闇如也孔傳云侃侃和樂之貌闇闇中
正之貌皇侃疏云卿貴不敢和樂接之宜以謹正相對
故闇闇如也玉藻二爵而言言斯鄭注云言言和敬貌
漢書石奮傳僮僕訢訢如也顏師古注云訢訢謹敬之
貌竝字異而義同爾雅翼敬也翼翼恭也大雅大明篇
云小心翼翼漢書禮樂志云附而不驕正心翊翊與
翼同小雅楚茨篇濟濟跄跄鄭箋云威儀敬慎也管子
形勢解云濟濟者誠莊事斷也祭義云齊齊乎其敬也
齊與濟聲近義同卷一云畏敬也爾雅祗敬也重言之
則曰畏畏祗祗康誥云不敢侮鰥寡庸庸
祗祗威威與畏通微子云乃罔畏畏

皦皦危危

皦皦危危義見卷一陞別危也下皦與陞通危與別通後漢書黃瓊傳云皦皦者易缺皦皦者易汚墨子親士篇云王德不堯堯與皦通幽風鴟鴞篇子室翹翹傳云翹翹危也翹與皦亦聲近義同

戰戰慄慄

戰戰慄慄

小雅小旻篇云戰戰兢兢淮南子人間訓引堯戒云戰戰慄慄說文云易履虎尾兢兢恐懼今易履九四作愬愬釋文愬愬子夏傳云恐懼貌馬本作兢兢震象辭震來兢兢釋文兢兢馬云恐懼貌荀作愬愬愬與兢兢古同聲玉篇云佻佻恐兒韓愈祭鱸魚文云佻佻覩覩為民吏羞皆出廣雅集韻類篇引廣雅佻佻懼也今本脫佻

字

桓桓瓊瓊矯矯赳赳

詩序云桓武志也重言之則曰桓桓爾雅桓桓威也牧誓云尚桓桓如虎如貔如熊如羆說文引作桓桓周頌

桓篇云桓桓武王玉篇玃玃善切鷲易擊勢也法言孝
至篇鷲虎桓桓鷹隼玃玃李軌注云玃玃攫最急疾也
中庸云強哉矯是矯爲武也重言之則曰矯矯爾雅矯
矯勇也周頌酌篇矯矯王之造毛傳云矯矯武貌魯頌
泮水篇矯矯虎臣釋文作矯矯竝字異而義同爾雅趙
趙武也說文趙輕勁有材力也周南兔置篇云趙趙武
夫說文勃彊也引僖二十二年左傳勃敵之人爾雅競
彊也彊勃競古竝同聲重言之則曰勃勃競競也宣六
年公羊傳佗然從乎趙盾而入何休注云佗然壯勇貌
重言之則曰佗佗秦誓佗佗勇夫馬融本作訖訖漢書
揚雄傳金人佗佗其承鍾虞兮顏師古注云佗佗勇健
貌玉藻戎容暨暨鄭注云果毅貌也暨暨與佗佗古聲
亦相近

矍矍助助負負眈眈矍矍晚晚瞽瞍眈眈眈眈

卷一云矍矍也矍與矍同重言之則曰矍矍震上六視
矍矍鄭注云矍矍目不正也說文眈眈目冥遠視也重言
之則曰眈眈卷一云矍矍也重言之則曰矍矍王延壽
魯靈光殿賦目矍矍而喪精張載注云矍矍目不正也

腹與負同說文眈視近而志遠也引頤六四虎視眈眈
馬融注云眈眈虎下視貌卷一云瞻視也重言之則曰
瞻瞻說文瞻目瞻也卷一云晚視也重言之則曰晚
晚說文瞻轉目視也重言之則曰瞻瞻卷一云眈視也
重言之則曰眈眈王逸九思目眈眈兮寤終朝魯靈光
殿賦徒眈眈以矜矜注云眈眈視貌眈眈猶豁豁也
說文眈視高貌也讀若詩曰施罟澗澗衛風碩人釋文
引馬融注云大魚罔目大豁豁也眈從目戊聲戊音越
各本譌從戊今訂正說文眈視兒也重言之則曰眈眈
孟子梁惠王篇眈眈胥讒趙岐注云眈眈側目相視

綵綵緝緝執執緩也

卷二云綵綵也重言之則曰綵綵小雅杜杜篇檀車綵
綵釋文云綵綵尺善反韓詩作綵綵音同廣雅訓綵綵
爲綵蓋本韓詩也玉篇緝充善切緝緝猶綵綵也卷二
云緝緝也執執通作仇仇爾雅仇仇救救傲也郭璞注
云皆傲慢賢者小雅正月篇彼求我則如不我得執我
仇仇亦不我力毛傳云仇仇猶警警也鄭箋云王之始
徵求我如恐不得我既得我執畱我其禮待我警警然
亦不問我在位之功力言其有貪賢之名無用賢之實

緇衣云大人不親其所賢而信其所賤民是以親失而教是以頌詩云彼求我則如不我得執我仇仇亦不我力鄭注云言君始求我如恐不得我既得我持我仇仇然不堅固亦不力用我是不親信我也集韻云抗執緩持也案緇衣注云持我仇仇然不堅固即是緩持之意義與廣雅同與爾雅毛傳詩箋皆異蓋本於三家也今案彼求我則如不我得言求我之急也執我仇仇亦不我力言用我之緩也三復詩詞則緩於用賢之說爲切而傲賢之說爲疏矣

嘔嘔喻喻嘔嘔欣欣氣氣故故言言語語藝藝喜喜也

文選聖主得賢臣頌是以嘔喻受之李善引應劭注云嘔喻和悅貌重言之則曰嘔嘔喻喻莊子天道篇俞俞者憂患不能處釋文引廣雅俞俞喜也張衡東京賦其樂愉愉竝字異而義同楚辭大招宜笑嘔只王逸注云嘔笑貌也重言之則曰嘔嘔方言嘍樂也郭璞注云嘍嘍歡貌集韻嘔嘍竝虛延切其義同也孟子梁惠王篇云舉欣欣然有喜色卷一云怗故喜也怗與氣同重言之則曰氣氣故故詩曰言笑笑晏晏又曰笑語卒獲是言

語皆喜也重言之則曰言言語語大雅公劉篇云于時
處處于時處處于時言言于時語語猶言爰居爰處爰
笑爰語耳

啼啼歌歌喞喞呵呵訃訃啞啞笑也

卷一云啼喞笑也重言之則曰啼啼喞喞歌歌呵呵猶
喞喞也方俗語有輕重耳卷一云訃笑也重言之則曰
訃訃卷一云啞笑也重言之則曰啞啞震象辭云笑言啞啞

翼翼衍衍愉愉和也

小雅采芣篇四牡翼翼毛傳云翼翼閑也閑習即調和
之意鄭風大叔于田傳云騂之與服和諧中節是也漸
六二飲食衍衍正義云衍衍樂也樂亦和也玉篇衍口
旦切廣韻又空旱切字通作侃論語鄉黨篇與下大夫
言侃侃如也孔傳云侃侃和樂之貌祭義云有和氣者
必有愉愉重言之則曰愉愉郵黨私覲愉愉如也鄭注
云愉愉顏色和聘
禮釋文作俞俞

感感悵悵恻恻愁愁懔懔契契嘔嘔烈烈慙慙怛怛憂也
論語述而篇云小人長戚戚與感同卷四云悵悵也
重言之則曰悵悵爾雅悵悵勞也勞亦憂也小雅巷伯
篇勞人草草與悵同楚辭九歎蹇騷騷而不釋騷與
悵亦聲近義同卷一云恻憂也重言之則曰恻恻各
本譌作恻今訂正楚辭九歎云心愁愁而思舊邦九歌
云極勞心兮懔懔一本作怵怵召南草蟲篇憂心怵怵
毛傳云怵怵猶衝衝也竝與懔懔同義小雅大東篇契
契寤寐傳云契契憂苦也九歎云孰契契而委棟兮一
本作挈挈竝與契契同嘔音骨又音忽晏子春秋外篇
云歲已莫矣而禾不穫忽忽矣若之何歲已寒矣而役
不罷憊憊矣若之何史記梁孝王世家意忽忽不樂忽
忽與嘔嘔同小雅采芣篇云憂心烈烈烈與烈同各本
烈烈譌作烈烈集韻類篇竝引廣雅烈烈憂也今據以
訂正慙慙各本譌作慙慙王篇慙先厯切憂也集韻類
篇竝引廣雅慙慙憂也今據以訂正卷一云怛憂
也重言之則曰怛怛齊風甫田篇云勞心怛怛

巖巖鞮鞮表表嶄嶄阢阢鬼鬼岌岌圯圯高也

卷四云巉巖高也巉巖與嶄巖同重言之則曰嶄嶄巖巖小雅節南山篇云節彼南山維石巖巖漸漸之石篇云漸漸之石維其高矣漸亦與嶄同說文巉載高兒也重言之則曰巉巉衛風碩人篇庶姜孽孽韓詩作巉巉云巉巉長貌呂氏春秋過理篇注引詩亦作巉巉云高長貌張衡西京賦飛檐巉巉薛綜注云巉巉高貌說文巉巉峨也峨與峩同重言之則曰峩峩列子湯問篇云峩峩兮若泰山卷四云阨峩高也重言之則曰阨阨峩峩爾雅小山岌大山峘郭璞注云岌謂高過重言之則曰岌岌楚辭離騷高余冠之岌岌兮說文坵牆高兒也引大雅皇矣篇崇墉坵坵今本作仡仡

霧霧霏霏霧霧濛濛雪也

皆雪盛貌也邶風北風篇云雨雪其霏雨雪其霏霏與霧同重言之則曰霧霧霏霏文選謝朓新亭渚別范雲陵詩注引蔡邕初平詩云天陰雨雪滂滂亦與霧同小雅采芣篇云雨雪霏霏信南山篇云雨雪霏霏角弓篇云雨雪濛濛漢書劉向傳作麋麋各本雪也二字譌作雪雪雪下又有林字蓋因下文隳音林而衍今訂正

風卷四云颺颺風也重言之則曰颺颺颺颺莊子齊物論篇而獨不聞之琴琴乎郭象注云長風之聲也琴與颺同劉瀏猶猶颺颺也初學記引通俗文云涼風曰瀏楚辭九歎秋風瀏以蕭蕭王逸注云瀏風疾兒也一云瀏瀏左思吳都賦翼颺風之颺颺颺與瀏同

囊囊囊囊湛湛泥泥露也

皆露多貌也鄭風野有蔓草篇及小雅蓼蕭篇竝云零露漙漙與囊同與囊同湛露篇云零露泥泥零露漙漙

坦坦漫漫蕩蕩平也

履九二云履道坦坦司馬相如子虛賦案衍壇曼司馬彪注云壇曼平博也曼與漫同重言之則曰漫漫世範云王道蕩蕩

渾渾汪汪顚顚詡詡曠曠大也

班固幽通賦渾元運物曹大家注云渾大也重言之則
曰渾渾淮南子倣真訓渾渾蒼蒼純樸未散高誘注云
渾渾蒼蒼混沌大貌史記太史公自序云乃合大道混
混冥冥混與渾同晉語汪是土也韋昭注云汪大貌重
言之則曰汪汪班固典引云汪汪乎丕天之律後漢
書黃憲傳云叔度汪汪若千頃陂顛顛猶浩浩也顛曹
憲音嵩玉篇嵩古老切各本顛顛作灑灑此因與渾渾
汪汪連文而誤集韻類篇竝引廣雅灑灑大也則宋時
廣雅本已然考說文玉篇廣韻俱無灑字玉篇顛公老
切廣大兒正與曹憲音相合今據以訂正禮器德發揚
詡萬物鄭注云詡猶督也徧也重言之則曰詡詡大雅
韓奕篇川澤訏訏毛傳云訏訏大也訏與詡同易林離
之中孚云飭醜詡詡昭元年左傳居於曠林史記鄭世
家集解引賈逵注云曠大也重言之則曰曠曠荀子非
十二子篇云恢恢然曠曠然賈子脩政語篇云天下曠
曠淮南子繆稱訓云曠曠乎大哉兵略訓云曠曠如夏
竝字異
而義同

集集媯媯媯弱也

說文集弱兒嬾姆也姆弱長兒小雅巧言篇在染柔木
毛傳云在染柔意也在與集通染與姆通史記司馬相
如傳云斌嬾姆姆重言之則曰集集嬾姆姆姆亦弱
也卓文君白頭吟云竹竿何嬾姆說文并毛并并也徐
錯傳云并并弱也王粲述送香賦
云挺苻苻之柔莖義竝與姆姆同

區區稍稍小也

卷二云區區小也重言之則曰區區襄十七年左傳云宋
國區區周官膳夫凡王之稍事鄭注云稍事有小事而
飲酒重言之則曰稍稍說文郟國甸大夫稍
稍所食邑也各本稍稍譌作稍稍今訂正

炤炤晰晰皎皎皓皓炳炳灼灼炫炫赫赫曠曠翼翼顯顯
明也

炤炤猶昭昭也荀子儒效篇云炤炤兮其用知之明也
卷四云晰明也重言之則曰晰晰小雅庭燎篇云庭燎
晰晰字亦作哲陳風東門之楊篇云明星哲哲卷四云
皎明也重言之則曰皎皎楚辭九歌云夜皎皎兮既明

爾雅皓光也重言之則曰皓皓法言淵騫篇云明星皓
皓皎皓二字竝從日各本譌從白今訂正卷四云晒明
也晒與炳通重言之則曰炳炳揚雄勳秦美新云炳炳
麟麟說文焯明也引立政焯見三有俊心今本作灼重
言之則曰灼灼新書匈奴篇云若日出之灼灼說文炫
爛耀也重言之則曰炫炫說文赫火赤見重言之則曰
赫赫大雅常武篇云赫赫明明卷四云曠明也重言之
則曰曠曠爾雅翌明也郭璞引金滕翌日乃廖衆翌爲
明日之明又爲明顯之明字通作翼翼楚語明行以翼翼
之宣翼翼皆明也重言之則曰翼翼大雅文王篇厥翼翼
翼翼毛傳云翼翼恭敬也案猶道也翼翼允明也厥翼翼
翼翼猶言其道大光束皙補亡詩顯猷翼翼義本於此則
三家詩必有訓翼翼爲
明者矣顯顯已見上文

詛詛詈詈詬詬詒詒諤諤詭詭語也 詁詁

說文詛很戾也謂言語相很戾也重言之則曰詛詛詈
詈猶詛詛也法言問神篇云何後世之詈詈也史記魯
世家贊沫泗之間斷斷如也徐廣注云斷斷爭辯鹽鐵
論國病篇云諸生閭閻爭鹽鐵斷閭竝與詈同說文詬

論訟也傳曰訟訟孔子容墨子親士篇云君必有弗弗之臣上必有訟訟之下玉藻戎容暨暨言容訟訟鄭注云訟訟教令嚴也廣韻論語嘆聲也重言之則曰諦諦諤諤猶訟訟也大戴禮曾子立事篇君子出言以鄂鄂盧辯注云鄂鄂辨厲也史記商君傳云千人之諾諾不如一士之諤諤漢書韋賢傳云号号黃髮鹽鐵論國病篇云今辯訟愕愕然竝字異而義同衆經音義卷二十引倉頡篇云詭訟聲也重言之則曰詭詭法言寡見篇云詭詭者天下皆訟也說文詭詭多語也集韻類篇竝引廣雅詭詭語也今本脫詭詭二字

愴愴惓惓悽悽哀悲也

卷三云愴悲也重言之則曰愴愴王褒九懷云心愴愴兮自憐蘇武詩云中心愴以摧摧與惓同重言之則曰惓惓卷三云惓惓也重言之則曰惓惓李陵與蘇武詩云惓惓不得辭蜀志法正傳云瞻望惓惓爾雅哀哀悽悽報德也郭璞注云悲苦征役思所生也小雅蓼莪篇云哀哀父母生我劬勞

皦皦皦皦皦皦景白也

說文穎白貌引楚辭大招天白穎穎唐風揚之水篇云白石皓皓竝與皦皦同漢書司馬相如傳云皦然白首皦與皦同字又作皦重言之則曰皦皦孟子滕文公篇皦皦乎不可向己趙岐注云皦皦甚白也皦皦猶皦皦也釋器云皦白也重言之則曰皦皦大雅靈臺篇云白鳥皦皦孟子梁惠王篇作鶴鶴何晏景福殿賦雖皦皦鳥竝與皦皦同釋器云皦白也重言之則曰皦皦字或作皦韓詩外傳莫能以己之皦皦容人之混混然荀子不苟篇作皦皦

泓泓淵淵窈窈窈窕也

中庸云淵淵其淵卷三云窈窈窈窕也重言之則曰窈窈窈窕莊子在宥篇云至道之精窈窈冥冥楚辭九章云胸兮杳杳漢書禮樂志安世房中歌云清思助助竝字異而義同

緜緜曼曼延延遲遲長也

王風葛藟篇緜緜葛藟毛傳云緜緜長不絕之貌卷二云曼曼長也重言之則曰曼曼楚辭離騷路曼曼其脩遠

兮釋文作漫漫字亦通作蔓逸周書和寤解縣縣不絕
蔓蔓若何縣縣小長貌蔓蔓大長貌是縣縣蔓蔓皆長
也楚辭九章云藐蔓蔓之不可量兮縹緜緜之不可紆
縣縣猶蔓蔓耳九思云鱸鮎兮延延幽風七月篇云春
日遲

疹疹駢駢係係疲也

說文疹馬病也詩曰疹疹駢駢馬又云嘽喘息也詩曰嘽
嘽駢駢今詩小雅四牡篇作嘽嘽毛傳云嘽嘽喘息之
貌馬勞則喘息嘽與疹通玉篇疹吐安切力極也廣韻
又丁佐切小雅大東篇哀我憚人毛傳云憚勞也憚與
疹亦同義詩四牡駢駢毛傳云駢駢行不止之貌則與
廣雅異義案首章云四牡駢駢周道倭遲次章云四牡
駢駢嘽嘽駢駢則駢駢亦得訓爲疲廣雅之訓或本於
三家也條本作儻或作儻通作彙說文儻羸兒卽疲憊
之意淮南子倣真訓孔墨之弟子皆以仁義之術教導
於世然而不免於儻身猶不能行也又况所教乎不免
於儻謂躬行仁義而不免於疲也高誘以儻身二字連
讀云儻身身不見用儻儻然也失之王漢容容累累鄭

注云巖德貌也
也彙與儼同

肩肩迹迹塞塞省省耿耿警警不安也

方言迹迹肩肩不安也江沅之閒謂之迹迹秦晉謂之肩肩或謂之塞塞或謂之省省不安之語也餘見卷一肩勞也下榔風柏舟篇耿耿不寐毛傳云耿耿猶微微也微與警同

孜孜汲汲惶惶惺惺

說文孜孜汲汲也皋陶謨云子思日孜孜表記云俛焉日有孳孳孳與孜通說文汲汲急行也問卷云望望然汲汲然如有追而弗及也汲與汲通汲各本皆作汲汲此校書者以意改之也衆經音義卷五卷十三竝云廣雅役汲違也字從彳今皆從水作汲據此則廣雅本作役後人乃作汲耳今訂正問卷云皇皇然若有求而弗得也皇與惶通任任曹憲音其往反楚辭九歎魂任任而南行兮王逸注云任任惶惶違之貌司馬相如長門賦魂任任若有亾任與任通梁鴻適吳詩嗟恇恇任任與任亦聲近義同任任各本譌作惺惺任本作憊故譌

而爲儻今訂正說文勳務也勳與遽通勳各本譌作劇今訂正

齶齶牟牟丹丹進也

爾雅齶齶勉也勉卽前進之意大雅文王篇齶齶文王是也繫辭傳成天下之齶齶者楚辭九辯時齶齶而過中兮王逸虞翻注竝云齶齶進也淮南子詮言訓善博者不欲牟太平御覽引注云牟大也進也進謂之牟故進取利謂之牟利重言之則曰牟牟荀子榮辱篇云爭飲食無廉恥不知是非不辟外傷不畏衆彊忤忤然唯飲食之見是狗彘之勇也爲事利爭貨財無辭讓果敢而振猛貪而戾忤忤然唯利之見是賈盜之勇也忤與牟通丹丹漸進之意楚辭離騷老丹丹其將至兮吳語日長炎炎韋昭注云炎炎進貌炎炎與丹丹聲相近也

拳拳區區款款愛也

皆一聲之轉也漢書劉向傳云念忠臣雖在剛畝猶不忘君倦倦之義也賈捐之傳云敢昧外竭卷卷貢禹傳云臣禹不勝拳拳竝字異而義同文選古詩一心抱區區李善注引廣雅區區愛也卷一云款款愛也款與款同

翩翩翼翼翁翁揮揮翩翩飛也

翩翩猶續續羣飛貌也下文云續續衆也卷三云胡飛也胡與狝同重言之則曰狝狝各本諤作狝狝惟影未本皇甫本不諤魯頌泮水傳云翾飛貌重言之則曰翾翾小雅四牡篇云翾翾者雖齊風雞鳴篇云蟲飛蕪蕪蕪蕪與蕪通大雅卷阿篇鳳皇于飛翾翾其羽毛傳云翾翾衆多也鄭箋云羽聲也說苑奉使篇引詩作噉噉卷三云翾飛也重言之則曰翾翾韓詩外傳云翾翾十步之雀法言問明篇云朱雀翾翾文選謝瞻張子房詩注引薛君韓詩章句云翾飛貌重言之則曰翾翾楚辭九章云漂翾翾其上下兮翼遙遙其左右卷三云翾飛也重言之則曰翾翾王逸九思云鷗鷗兮軒軒軒與翾通翾翾各本諤作翾翾今訂正九章漂翾翾其上下兮漂與翾通重言之則曰翾翾史記賈生傳鳳漂漂其高邈兮漢書作縹縹潘岳秋興賦云鳳飄飄而南飛竝字異而義同衛風雄雉篇云雄雉于飛泄泄其羽泄泄與翾通卷三云翾飛也重言之則曰翾翾唐風揚羽篇蕭蕭揚羽毛傳云蕭蕭揚羽聲也小雅鴻鴈篇鴻鴈于飛蕭蕭其羽釋文云蕭蕭本

或作翾翾說文翼翅也從飛異聲篆文作翼又云翾飛
 兒翼翼翾竝同義重言之則曰翼翼楚辭離騷云高翾
 翔之翼翼莊子山木篇其為鳥也翾翾然似無能
 釋文司馬云翾翾然舒遲貌一云飛不高貌李云羽
 翼聲翾與翾同卷三云翾飛也翾與揮同重言之則曰
 翾翾義見卷三注卷三云翾飛也重言之則曰翾翾翾
 翾猶翾翾也

煌煌焯焯倏倏炯炯晃晃熒熒充也

陳風東門之楊篇云明星煌煌小雅斯干篇噦噦其冥
 鄭箋云噦噦猶焯焯也寬明之貌釋文焯焯呂忱云火
 光貌倏倏字通作儵張衡西京賦云璿弁玉纓遺光儵儵
 是儵為充也重言之則曰儵儵文選曹植責躬詩注引
 揚雄侍中箴云充充常伯儵儵貂璫說文炯充也重言
 之則曰炯炯襄五年左傳我心局高杜預注云局局明
 察也楚辭哀時命云夜炯炯而不寐兮九思云神充兮
 頽頽竝字異而義同炯炯各本皆作烟烟此因炯字譌
 作烟故又譌作烟耳文選秋興賦注引廣雅炯炯充也
 今據以訂正晃晃說見卷四晃明也下說文熒燈燭之

允重言之則曰熒熒朱
玉高唐賦云煌煌熒熒

蒙蒙冥冥昧昧晦晦暗暗也

楚辭九辯云願皓日之顯行兮雲蒙蒙而蔽之小雅無
將大車篇云維塵冥冥楚辭九章云日昧昧其將莫卷
四云晦冥也重言之則曰晦晦楚辭九歎云日
晦晦而下積班彪北征賦云日晦晦其將莫兮

堂堂姳姳彪彪羸羸嫋嫋媿媿天天申申奕奕儀儀僕僕

娥娥容也

論語子張篇堂堂乎張也鄭注云言容儀盛也姳音大
丁唐鼎二反廣韻云長好兒重言之則曰姳姳蔡嵩青
衣賦云停停薄側皦皦青衣義與姳姳同史記五帝紀
其色郁郁索隱云郁郁猶穆穆也郁與彪通卷一云皦
好也重言之則曰皦皦郭璞注方言云皦言皦皦也古
詩云盈盈樓上女又云盈盈一水閒竝與羸羸同嫋今
娟字也卷一云嫋好也重言之則曰嫋嫋史記司馬相
如傳柔橈嫋嫋索隱引張注云嫋嫋猶婉婉也嫋嫋各

魯頌駟篇以車伍伍毛傳云伍伍有力也釋文云字林
作駟走也說文俟字注引小雅吉日篤伍伍俟俟後漢
書馬融傳駟駟駟諫李賢注云駟駟獸奮迅貌也引韓
詩駟駟駟或羣或友文選西京賦羣獸駟駟李善注
引薛君韓詩章句云趨曰駟駟行曰駟駟毛詩作德德
俟俟楚辭招魂敦服血拇逐人駟駟些王逸注云駟駟
走貌也駟駟伍伍德德五字並聲近而通用說文駟馬疾
步也重言之則曰駟駟吳越春秋句踐入臣外傳云駟
駟獨兮西往駟駟猶德德也說文駟衆馬行也文選吳
都賦駟駟駟喬李善注與說文同重言之則曰駟駟駟
玉篇音俱禾切說文駟駟走也從奔亞聲亞古文同字
也重言之則曰駟駟各本譌作要娶今訂正玉篇進散
也王延壽王孫賦云或躡跌以眺進與趙同重言之
則曰趙趙漢書揚雄傳萃僂允洛蕭該音義云案字林
及埤倉云從從走貌也禮樂志郊祀歌云騎沓沓般從
從楚辭九辯云前輕轉之鏘鏘兮後轉乘之從從從與
從通說文蹇行兒蹇與蹇同重言之則曰蹇蹇曲禮大
夫濟濟士蹇蹇鄭注云皆形容止之貌也釋文蹇蹇本
又作鶴或作鏘
字異而義同

古人合韻之常例也。閭爲眞部之字，古無以東侵鹽眞四部合韻者。始誤字也。閭，閭當爲閭，閭，閭卽古簡字也。凡字之從奄聲者，多通用閭之爲簡。猶暗之爲皖矣。釋器云：馱香也。重言之則曰馱馱。玉篇：馱，小香也。重言之則曰馱馱。楚辭：離騷云：芳菲菲其彌章。九歎云：佩江離之斐斐。史記：司馬相如傳云：郁郁斐斐，衆香發越。竝與馱馱同。馱馱各本作菲，非此後人以意改之也。集韻類篇引廣雅：竝作馱馱。卷一云：菲，禱也。曹憲音釋：非佛匪反。世人以此爲芳馱之馱，失之。今據以訂正說文。馱，香艸也。重言之則曰馱馱。楚辭：九歎：懷椒聊之馱馱兮。

眊眊靡靡踽踽越越趨趨奕奕浮浮趨趨冉冉徠徠
儵儵趙趙裔裔跋跋蹉蹉夏夏蹈蹈衍衍章章衡衡行也
楚辭：哀時命：魂眊眊以奇獨兮。王逸注云：眊，眊獨行貌也。王風：黍離篇：行邁靡靡。毛傳云：靡，猶遲遲也。說文：踽，疏行兒。引唐風：杖杜篇：獨行踽踽。毛傳云：踽，踽無所親也。說文：越，行兒。重言之則曰越越。小雅：小弁篇：鹿斯

之奔維足伎伎毛傳云伎伎舒貌漢書東方朔傳跛跛
 眡善善緣壁謂龜行貌也義竝與越越同方言遙疾行
 也南楚之外曰遙遙與越同重言之則曰遙遙越越舒
 躍躍耳王風邱中有麻篇將其來施施鄭箋云施施舒
 行伺閒獨來見己之貌釋文云施施如字張音移楚辭九
 章悲秋風之動容兮何回極之浮浮王逸注云浮浮行
 貌離騷老冉冉其將至兮注云冉冉行貌說文彳行平
 易也經傳通作夷重言之則曰夷夷夷與遲遲古同聲抑
 風谷風篇行道遲遲毛傳云遲遲舒行貌遲遲與夷夷
 同匡謬正俗云古者遲夷通用書稱遲任有言曰遲字
 音夷亦音遲淮南說馮夷河伯乃為遲字史籍或言陵
 遲或言陵夷其義一也說文儻行兒引齊風載驅篇行
 人儻儻小雅吉日篇儻儻俟侯毛傳云趨則儻儻行則
 俟侯釋文儻儻本或作庶庶說文趙行兒重言之則曰
 趙趙文選神女賦步裔裔今曜殿堂李善注云裔裔行
 貌司馬相如子虛賦纒乎淫淫般平裔裔郭璞注云皆
 羣行貌也漢書禮樂志郊祀歌先以兩般裔裔顏師古
 注云裔裔飛流之貌說文跋跋進足有所賴取也楚辭九
 章眾踐蹠而日進兮是跋跋皆行進貌也重言之則曰

腴腴臙臙夤夤膏膏濯濯臙臙肥也

左思魏都賦腴腴洞野張載注云腴腴美也引大雅駉
 篇周原腴腴李善注引韓詩同毛詩作周原臙臙傳云
 臙臙美也鄭箋云周之原地臙臙然肥美臙臙與飴謀龜
 時茲為韻當讀如梅釋文音武失之臙與腴古字通又
 通作苒倍二十八年左傳原田苒苒亦謂原田之肥美
 也杜預注云原田之草苒苒然失之臙臙膏膏說見卷
 二臙肥膏盛也下膏從大旨聲各本謬作膏膏今訂正
 說文夤大視也從大夤聲讀若齋齋音拳大與肥義相
 近重言之則曰夤夤各本謬作夤夤今訂正大雅靈臺
 篇鹿濯濯孟子梁惠王篇注云獸肥飽則濯濯司馬
 相如封禪文云濯濯之麟游彼靈時

泡泡淘淘沸沸洋洋 恒恒湯湯泱泱濇濇浩浩濇濇混混

昆昆滂滂沛沛涓涓泱泱浪浪油油沲沲滂滂流也滂滂

西山經其源渾渾漚漚泡泡郭璞注云水噴涌之聲也淘淘
 與滔滔同小雅四月篇滔滔江漢毛傳云滔滔大水貌

引詩江漢陶陶亦與滔同西山經其源沸沸湯湯注
云涌出之貌也衛風碩人篇河水洋洋毛傳云洋洋盛
大也洋曹憲音陽各本脫去洋洋二字其音內陽字誤
入正文又衍作陽陽二字今訂正鄭風溱洧篇溱與洧
方換換兮毛傳云換換盛也釋文渙渙韓詩作洵洵太
平御覽引韓詩注云洵洵盛也漢書地理志引詩作漙
漙竝字異而義同衛風氓傳云湯湯水盛貌堯典云湯
湯洪水方割蕩蕩懷山襄陵浩浩滔滔天蕩蕩與濠濠同
小雅瞻彼洛矣篇維水泱泱毛傳云泱泱廣貌鼓鐘
篇淮水泱泱毛傳云泱泱猶湯湯也說文混混流也司
馬相如上林賦云泱泱重言之則曰混混孟子離
婁篇云原泉混混荀子富國篇云財貨渾渾如泉源渾
與混同說文混混荀子富國篇云財貨渾渾如泉源渾
今泱與混同重言之則曰混混說文泱泱也重言之則
曰泱泱泱泱荀子富國篇云泱泱如何悔易林未濟之
鼎云流潦泱泱宋玉高唐賦云奔揚踊而相擊兮雲與
聲之霏霏王褒九懷云望淮兮泱泱泱泱與霏同霏與
同說文涓涓小流也引爾雅汝爲涓重言之則曰涓涓荀
子法行篇引詩云涓涓源水不離不塞說文決行流也

重言之則曰決決決決水貌也。故因以爲水名。北山經云：龍侯之山，決決之水出焉。而東流注于河，是也。楚辭離騷：攬茹蕙以掩涕兮，霑余襟之泠泠。王逸注云：泠泠，流貌也。九歎：江湘抽抽注云：油油流貌也。衛風：竹竿篇淇水悠悠。釋文作漈漈。五經文字云：亦作攸攸。竝字異而義同。說文：漈，漈流也。引衛風碩人篇：施罟漈漈。又韓字注云：讀若詩施罟漈漈。今本作施罟漈漈。釋文引韓詩云：漈漈流貌。竝字異而義同。或從水，戊聲。戊音越。各本譌從戊。今訂正。小雅：白華篇：彪彪池北流。毛傳云：彪流貌。說文作漈。重言之則曰漈漈。說文：漈，水出兒也。莊子：達生篇：與齊俱入，與汜皆出。郭象注云：磨翁而旋入者，齊也。回伏而涌出者，汜也。汜與漈同。重言之則曰漈漈。司馬相如上林賦：橋橋漈漈。揚雄：鼎沸郭璞注云：皆水微轉細涌貌也。淮南子：原道訓云：混混汨汨。汨，易林：同人之既濟。云：涌泉滑滑。竝字異而義同。史記：司馬相如傳：索隱及集韻類篇竝引廣雅：漈漈流也。今本脫漈漈二字。

汎汎 汎汎 浮也

擫風二子乘舟篇云二子乘舟汎汎其景汎曹憲音扶
弓反各本扶弓二字誤入正文內又誤作彗彗二字玉
篇汎扶弓切今據以訂正楚辭卜居云將汎汎若水中
之鳧乎汎曹憲音孚劒反各本脫去汎汎二字孚劒又
譌作扶劒案玉篇廣韻集韻汎字俱音孚劒切不音扶
劒切此因與上文汎扶弓反相涉而誤汎汎與汎汎連
文後人不知汎汎之不同音而誤以爲重出故刪去汎
汎二字耳漢書司馬相如傳汎淫汎濫顏師古注云汎
音馮汎音敷劒反司馬貞史記索隱云汎音馮汎
音芳劒反引廣雅汎汎汎汎浮也今據以補正

輶輶碩碩堅也

輶輶說見卷一輶堅也下衆
經音義卷四引廣雅作輶輶

萑萑芄芄莫莫萋萋萃萃芊芊芾芾藜藜蕤蕤漉漉芾芾
蒼蒼娒娒藏藏幪幪蔚蔚蔚蔚蓀蓀芾芾也

此謂草木之盛也爾雅云萃皇也又云蒹葭萑葦榮萑
與皇通重言之則曰皇皇小雅皇皇者萃傳云皇皇猶

煌煌也大雅行葦篇維葉泥泥傳云葉初生泥泥然潛夫論德化篇引詩作柅柅竝與芑芑同莫莫猶莽莽也周南葛覃篇維葉莫莫大雅旱麓篇莫莫葛藟皆是茂盛之貌傳因是刈是漚而云莫莫成就之貌因施于條枚而云莫莫施漚緣詞在訓始非也說文萋艸盛也小雅杖杜篇云卉木萋也重言之則曰萋萋葛覃維葉萋萋傳云萋萋茂盛貌萋萋猶莫莫耳說文葦艸盛也大雅卷阿篇葦葦葦葦傳云梧桐盛也生民篇瓜臝嗒嗒傳云嗒嗒然多實也案嗒嗒亦茂盛之貌不必專訓多實說文珎字注云讀若詩曰瓜臝嗒嗒是嗒嗒卽葦葦也瓜臝葦葦猶言麻麥幪幪耳卷阿釋文云葦葦布孔反又薄孔反又薄公反小雅采芣篇維柞之枝其葉蓬蓬傳云蓬蓬盛貌義亦與葦葦同說文裕望山谷裕裕青也列子力命篇云美哉國子鬱鬱芊芊文選高唐賦云仰視山巔肅何芊芊潘岳懷縣詩云稻栽肅仟仟謝朓游東田詩云遠樹曖仟仟五臣本作阡阡竝字異而義同芾芾猶沛沛也說文市艸木盛市市然讀若輩陳風東門之楊篇云東門之楊其葉肺肺大雅生民篇云芑菽旆旆義竝與芾芾同說文葦艸盛兒周南桃夭篇桃之夭夭其葉葳蕤傳云葳蕤至盛兒文選東都賦注

引韓詩小雅蒹葭者義毛詩作菁菁聲近而義同說文
薺茂也小雅甫田篇云黍稷薺薺漢書食貨志引作擬
擬小雅小弁篇萑葦淠淠傳云淠淠衆也淠淠各本誤
作淠淠今訂正爾雅覲茅苒離也郭璞注云謂草木之
叢茸翳蒼是苒爲茂也重言之則曰苒苒夏小正拂桐
芭傳云言桐芭始生貌拂拂然也拂與苒通秦風蒹葭
篇蒹葭蒼蒼傳云蒼蒼盛也禹貢云厥草惟夭是天爲
茂也天與媠同字又作杕重言之則曰媠媠說文杕木
少盛兒引詩桃之杕杕又媠字注引詩桃之媠媠今本
作天天傳云天天其少壯也抑風凱風篇棘心天天傳
云天天盛兒其實一義也檜風蓂楚篇云天天之沃沃沃
沃與天天亦同義旣言天而又言沃沃者言重詞複以
形容其盛若中庸言淵淵其淵矣陳風東門之楊篇東
門之楊其葉牂牂傳云牂牂然盛貌易林革之大有云
南山之楊其葉將將竝與藏藏同大雅生民篇麻麥幪
幪傳云幪幪然盛茂也幪幪各本譌作幪幪今訂正各
本幪下又有莫莫二字案莫莫已見上文不應重出詩
麻麥幪幪釋文音莫孔反各本幪下莫字當是反語之
上一字既誤入正文又衍爲莫莫二字耳今訂正文選
高唐賦賦兮若松栝李善注云栝茂貌栝與藟通西都

賦茂樹蔭蔚注引倉頡篇云蔚草木盛貌合言之則曰蔚蔚後漢書馬融傳豐彤蔚蔚李賢注云皆林木貌也對與蔚通重言之則曰蔚蔚蔚蔚蔚蔚猶鬱鬱耳釋言云菽菽也菽與蔚同重言之則曰蔚蔚菽菽蔚蔚曹憲音亾豆亾老二反蔚亦茂也魏武帝氣出唱樂府云乘雲駕龍鬱何蔚蔚淮南子天文訓云斗指卯卯則茂茂然茂與務通哀元年左傳注云草之生於廣野莽莽然故曰草莽楚辭九章云草木莽莽莽與井同

歎歎諄諄鑣鑣截截渠渠閑閑勃勃藐藐焯焯童童鐵鐵
闐闐彭彭岌岌旁旁鏘鏘駢駢驛驛業業翼翼奕奕常常

几几盛也

此謂凡物之盛也漢書陳勝傳夥涉之爲王沈沈者應劭注云沈沈宮室深遠之貌也音長含反張衡西京賦云大厦眈眈義竝與歎歎同爾雅藹藹濟濟止也郭璞注云皆賢士盛多之容止大雅卷阿篇云藹藹王多吉士衛風碩人篇朱幘鑣鑣傳云鑣鑣盛貌鄭風清人篇駟介庶庶傳云庶庶武貌齊風載驅篇行人儻儻傳云

儻儻衆貌小雅角弓篇雨雪漙漙箋云雨雪之盛漙漙然義竝同也秦風權輿篇云夏屋渠渠是渠渠爲盛貌也大雅皇矣篇臨衝閑閑崇墉言言臨衝芾芾崇墉伋伋傳云閑閑動搖也言言高大也芾芾彊盛也伋伋猶言言也案言言伋伋皆謂城之高則閑閑芾芾亦皆謂車之彊盛芾芾與勃勃同廣雅以閑閑勃勃俱訓爲盛蓋本諸三家也法言淵騫篇云勃勃乎其不可及乎淮南子時則訓云教教陽陽唯德是行卷二云淳盛也淳敦竝與勃勃同爾雅藐藐美也美與盛同義大雅崧高篇云寢廟既成既成藐藐卷二云韓盛也重言之則曰韓韓小雅常棣篇常棣之華鄂不韡韡傳云韓韓充明也藝文類聚引韓詩作夫移之華鄂不韡韡擗風靜女篇彤管有煒煒云赤管煗煗然蔡邕琴賦云丹華煗煗煗與韓同義召南采芣篇被之僮僮夙夜在公被之祁祁薄言還歸傳云被首飾也僮僮竦敬也祁祁舒遲也去事有儀也案詩言被之僮僮被之祁祁則僮僮祁祁皆是形容首飾之盛下乃言其奉祭祀不失職耳大雅韓奕篇云諸娣從之祁祁如雲是祁祁爲盛貌僮僮與童通廣雅訓童童爲盛蓋亦本三家也釋名僮童也其貌童童然也蜀志先主傳云有桑樹高五丈餘遙望見童

童如小車蓋藝文類聚引作幢幢張衡東京賦云設業
設虞宮縣金鑄鼗鼓路鼓樹羽幢幢皆謂盛貌也童僮
幢古同聲而通用說文鉞車鸞聲也引詩鑿聲鉞鉞今
詩小雅庭燎篇及魯頌泮水篇竝作鸞聲噉噉與鐵
鐵同大雅卷阿篇鳳皇于飛翩翩其羽傳云翩翩衆多
也箋云羽聲也小雅斯干篇噉噉其冥箋云噉噉猶焗
焗也寬明之貌皆盛之義也凡盛貌謂之闐闐盛聲亦
謂之闐闐說文闐盛兒也又云噉盛氣也引小雅采芑
篇振旅噉噉今本作闐闐爾雅注云闐闐羣行聲左思
魏都賦云振旅鞀鞀反旆悠悠問喪云闐闐羣行聲左思
牆然楚辭九歌云靈填填兮雨冥冥漢書禮樂志郊祀
歌泛泛溟溟從高旂應劭注云溟溟盛貌也易林賁之
蹇云輶輶填填火燒山根郭璞江賦汗汗涸涸廣韻引
字林云涸涸水勢廣大無際之兒是凡言闐闐者皆盛
之義也彭彭與下旁旁同音博庚蒲庚二反大有九四
匪其彭王肅注云彭壯也重言之則曰彭彭說文駟馬
盛也引詩四牡駟駟今詩小雅北山篇及大雅烝民韓
奕二篇竝作四牡彭彭鄭風清人篇駟介旁旁王肅注
云旁有疆也齊風載駟篇行人彭彭傳云彭彭多貌魯
頌駟篇以車彭彭傳云彭彭有力有容也駟旁彭竝同

義凡聲之盛謂之鏘鏘故鏘聲謂之鏘鏘小雅采芑篇
八鸞瑤瑤庭燎篇作將將大雅烝民篇作鏘鏘商頌烈
祖篇作鶴鶴是也樂聲謂之鏘鏘小雅鼓鍾篇鼓鍾將
將周頌執競篇磬筦將將說文作鏘鏘是也車聲謂之鏘鏘
鏘鏘鄭風有女同車篇佩玉將將是也車聲謂之鏘鏘
楚辭九辯前輕輶之鏘鏘是也凡貌之盛亦謂之鏘鏘
故行貌謂之踳踳曲禮大夫濟濟士踳踳鄭注云皆行
容止之貌釋文踳踳本又作鶴或作鏘是也舞貌謂之
踳踳說文踳字注引皋陶謨鳥獸踳踳今本作踳踳史
記夏紀作鳥獸翔舞是也高貌謂之將將大雅駉篇應
門將將班固西都賦激神岳之將將馬融廣成頌峨峨
禮磴鏘鏘雌雌是也美貌謂之將將魯頌閟宮篇犧尊
將將正義云將將然盛美管子形勢解云將將鴻鵠貌
之美者是也明貌謂之將將荀子王霸篇引詩云如霜
雪之將將如日月之光明是也是凡言鏘鏘者皆盛之
義也小雅采芣篇四牡駉駉傳云駉駉疆也張衡南都
賦云駉飛龍兮駉駉周頌載芣篇駉駉其達爾雅作釋
釋舍人注云穀皆生之貌是驛驛為盛也小雅采芣篇
四牡業業傳云業業然壯也大雅常武篇云赫赫業業
小雅采芑篇四騏翼翼箋云翼翼壯健貌信南山篇我

黍與與我稷翼翼翼箋云與與翼翼蕃廡貌大雅絲篇作
廟翼翼翼箋云嚴顯翼翼然後漢書樊準傳引商頌殷武
篇京師翼翼四方是則李賢注云韓詩之文也翼翼然
盛也又小雅信南山篇云疆場翼翼黍稷或或大雅文
王篇云世之不顯厥猶翼翼常武篇云縣縣翼翼不測
不克孔子閒居云無體之禮威儀翼翼皆盛之義也單
言之則謂之翼翼見卷一憑滿也下奕奕猶驛驛也商
頌那篇庸鼓有數萬舞有奕傳云數數然盛也奕奕然
閑也文選謝惠連秋懷詩注引薛君韓詩章句云奕奕
盛貌小雅車攻篇云四牡奕奕大雅韓奕篇奕奕梁山
傳云奕奕大也魯頌閟宮篇新廟奕奕王肅注云奕奕
盛大周官隸僕注引作寢廟釋奕釋數竝同義小雅
頌弁篇憂心奕奕憂心恹恹傳云奕奕然無所薄也恹
恹憂盛滿也案奕奕亦憂盛滿之貌義與恹恹同恹恹
與彭彭古同聲故馬盛謂之彭彭亦謂之奕奕憂盛謂
之奕奕亦謂之恹恹矣說文常或作裳小雅裳裳者華
傳云裳裳猶堂堂也豳風狼跋篇云赤舄几几
是几几爲盛貌也說文引詩作已已又作擊擊

仍仍登登翹翹馮馮總總傳甫甫伍伍集集師師遂遂

嘽嘽淖淖漑漑續續紛紛嘽嘽衆也

爾雅藹藹衆也大雅縣篇抹之陬陬度之藹藹築之登削履馮馮傳云揀藹也陬陬衆也度居也言百姓之勸勉也登登用力也削牆鍛履之聲馮馮然陬與仍通合言之則皆衆民力作之貌故登登馮馮亦訓爲衆太元廓亥六百辟馮馮亦以馮馮爲衆也周南漢廣篇翹翹薪言刈其楚翹翹與鎡薪連文則翹翹爲衆貌言於衆薪之中刈取其高者耳傳箋以翹翹爲高則與下句相複廣雅以爲衆蓋本於三家也卷三云葦總聚也葦與傳通重言之則曰總總傳傳楚辭離騷紛紛總總其離合兮王逸注云總總猶傳聚貌九歌紛紛總總兮九州注云總總衆貌莊子則陽篇是稷稷何爲者邪李頤注云稷稷聚貌與總通信十五年左傳引小雅十月之交篇傳杳背憎今本傳作嘽傳云嘽猶嘽嘽杳猶杳杳張衡南都賦云森葦葦而刺天揚雄甘泉賦云齊總總擗擗其相膠轄兮竝字異而義同大雅韓奕篇魴魴甫甫傳云甫甫然大也此訓爲衆義得兩通蓋亦本三家也仍仍羣行貌也說見上文駉駉走也下卷三云集聚也重言之則曰集集周南螽斯篇螽斯羽揖揖兮傳

云揖揖會聚也義與集集同師彖傳云師衆也重言之則曰師師史記平原君傳云公等錄錄所謂因人成事者也漢書蕭何曹參傳贊當時錄錄未有奇節顏師古注云錄錄猶鹿鹿言在凡庶之中也史記酷吏傳贊九卿碌碌奉其官竝與遂遂同小雅采芑篇戎車嘽嘽傳云嘽嘽衆也大雅常武篇王旅嘽嘽傳云嘽嘽然盛也崧高篇徒御嘽嘽亦是衆盛之貌傳因周邦咸喜而訓嘽嘽爲喜樂失之漢書敘傳王師驛驛義與嘽嘽同小雅南有嘉魚篇烝然罩罩烝然汕汕傳云罩罩篚也汕汕櫟也箋云烝塵也塵然猶言久如也言南方水中有善魚人將久如而俱罩之櫟老今之撩罟也正義引爾雅篚謂之罩櫟謂之汕毛鄭詩考正云案王肅云烝衆也罩罩汕汕疊字形容之辭不當爲捕魚器說文鯈字注云烝然鯈鯈又汕字注云魚游水貌詩曰烝然汕汕罩罩古字通用罩罩汕汕蓋皆魚游水之貌故以興燕樂爾雅篚謂之罩櫟謂之汕自釋捕魚器非釋詩之罩罩汕汕也謹案罩罩汕汕羣游之貌故又訓爲衆亦若伍伍爲羣行之貌而訓爲衆也淖淖與罩罩同漣漣與汕汕同廣韻汕漣二字竝所簡切淖淖漣漣之訓爲衆蓋亦本三家也大雅靈臺篇鹿濯濯傳云濯濯娛遊

也石鼓文滿又魚其旂趨趨懼懼與掉掉趨趨與汕汕
聲竝相近楚辭離騷佩續紛其繁飾兮是續紛爲衆貌
也重言之則曰續續紛紛孫子兵勢篇云紛紛紜紜說
文虞康鹿羣口相聚見大雅韓奕篇麇鹿嘖嘖傳云嘖
嘖然衆也小雅
吉日篇作虞虞

遼遼遙遙邈邈眇眇遠也

楚辭九歎云山脩遠其遼遼兮昭二十五左傳云遠
哉遙遙卷一云邈遠也重言之則曰邈邈楚辭離騷神
高馳之邈邈王逸注云邈邈遠貌大雅瞻卬篇藐藐吳
天藐與邈同邈邈各本譌作邈邈今訂正釋言云眇莫
也重言之則曰眇眇楚辭九章云路眇眇之默默管子
內業篇云渺渺乎如窮無極渺與眇同眇眇猶邈邈耳

呦呦嚶嚶嚶嚶啾啾嘖嘖噫噫鳴也

小雅鹿鳴篇云呦呦鹿鳴召南草蟲篇嚶嚶草蟲傳云
嚶嚶聲也小雅伐木篇云鳥鳴嚶嚶單言之則曰嚶下
文嚶其鳴矣是也張衡思元賦鳴玉鸞之嚶嚶義與嚶
嚶同爾雅行鴈啾啾宵鴈嘖嘖李巡注云啾啾嘖嘖鳥

聲貌也淮南子原道訓云易之啞啞鶴之啞啞小雅小弁篇鳴蜩嘒嘒傳云嘒嘒小聲也采菽篇鸞聲嘒嘒竝與噉同

虺虺嗶嗶鞞鞞轘轘欲欲欽欽丁丁闐闐齧齧鞞鞞鞞鞞

檠檠鞞鞞鈴鈴聲也

邶風終風篇云虺虺其雷嗶嗶說見卷四錙聲也下說文轟羣車聲文選魏都賦注引倉頡篇云鞞鞞衆車聲也史記蘇秦傳云人民之衆車馬之多日夜行不絕鞞鞞東逐西竝字異而義同王風大車篇大車檠檠傳云檠檠車行聲也檠與鞞通字亦作鞞左思吳都賦云出車鑿鑿陳風宛邱篇云坎其擊鼓重言之則曰坎坎說文鞞舞曲也引小雅伐木篇鞞鞞舞我今本作坎坎鼓我魏風伐檀篇坎坎伐輪兮漢石經作欲欲竝字異而義同欽欽猶坎坎也小雅鼓鍾篇云鼓鍾欽欽周南兔置篇椽之丁丁傳云丁丁伐木聲也凡羣行聲謂之闐闐說文引小

雅采芑篇振旅嘽嘽今本作闕爾雅注云闕闕羣行
聲左思魏都賦云振旅鉦鉦返旆悠悠是也車聲謂之
鞀鞀易林云轟轟鞀鞀驅東逐西是也雷聲謂之填填
楚辭九歌云靈填填兮雨冥冥九辯屬雷師之闕闕是
也崩聲謂之田田問喪云殷殷田田如壞牆然是也凡
言闕闕者竝同義說文蕭鼓聲也引商頌那篇鼗鼓鼗
蕭今本作淵淵魯頌有駉篇鼓咽咽釋文本又作鼗鼗
張衡東京賦雷鼓鼗鼗竝字異而義同鼗鼗猶闕闕也
故車聲雷聲崩聲羣行聲皆謂之鼗鼗易林咸之困云
雷車不藏隱隱西行司馬相如長門賦云雷殷殷而響
起兮聲象君之車音竝與鼗鼗同單言之則曰殷召南
殷其雷是也餘見上文鞀鞀闕闕下大雅靈臺篇鼗鼓
逢逢釋文逢逢埤倉作鼗鼗呂氏春秋夏季紀注引詩
亦作鼗鼗小雅斯干篇柝之棗棗集傳云棗棗杵聲也
柝之棗棗猶言柝之丁丁耳斯干釋文云棗棗本或作
柝柝棗柝竝與柝通繫辭傳重門擊柝馬融注云兩木
相擊以行夜也說文引易柝作棗棗之言棗也兩木
相擊聲棗棗然也義亦與柝之棗棗同楚辭九歌乘龍
兮麟麟王逸注云麟麟車聲秦風車鄰篇有車鄰鄰傳
云鄰鄰衆車聲也釋文本亦作麟麟崔駰東巡頌云天

動雷霆隱隱麟麟鈴鈴猶麟麟也齊風盧令篇盧令令傳云令令纓環聲正義作鈴鈴漢書天文志云地大動鈴鈴然說文云霆雷餘聲鈴鈴所以挺出萬物也

混混沌沌轉也

混混或作渾渾孫子兵勢篇渾渾沌沌形圓而不可敗魏武帝注云車騎轉而形圓者出入有道齊整也呂氏春秋大樂篇云陰陽變化一上一下合而成章渾渾沌沌離則復合則復離是謂天常天地車輪終則復始極則復反莫不咸當是渾渾沌沌為轉貌也凡狀水之轉亦曰渾渾沌沌枚乘七發說曲江之濤云沌沌渾渾狀如奔馬混混沌沌聲如雷鼓混沌猶渾沌耳

馮馮翼翼烟烟熅熅睢睢盱盱元氣也

楚辭天問馮馮翼翼惟像何以識之王逸注云言天地既分陰陽運轉馮馮翼翼何以識知其形像乎淮南子天文訓天墜未形馮馮翼翼洞洞屬屬高誘注云馮馮翼翼無形之貌繫辭傳云天地網緼萬物化醇網緼與烟熅

亦相

倣倣傳傳僂僂舞也

并見小雅賓之初筵篇

婉婉蠓蠓動也

玉篇婉音於阮於元於九三切楚辭大招虎豹婉婉只王逸注云婉虎行貌也行與動同義重言之則曰婉婉楚辭離騷云駕八龍之婉婉兮宋玉高唐賦云振鱗奮翼倣倣婉婉司馬相如封禪文云宛宛黃龍興德而升竝字異而義同玉篇蠓音於筠於云二切何晏景福殿賦云蠓若神龍之登降重言之則曰蠓蠓張衡西京賦云海鱗變而成龍狀婉婉以蠓蠓皆動之貌也各本脫去動字集韻類篇竝引廣雅婉婉蠓蠓動也今據以補正

誇誇切切也

誇誇未詳所出切切見論語子路篇與誇大之義不相比附當別是一條誇誇下當有脫文切切下亦當有脫

文今不
可考

行行夏夏也

論語先進篇子路行行如也鄭注云行行剛強之貌更更讀如庚庚釋名云庚更也堅強貌也說文庚位西方象秋時萬物庚庚有實也徐鍇傳云庚庚堅強之兒庚與更通行行更更聲相近皆彊貌也更更下蓋脫彊字

乾乾健也

乾九三云君子終日乾乾餘見卷二乾健也下

蹇蹇難也

蹇六二云王臣蹇蹇餘見卷三蹇難也下

趯趯跳也

召南草蟲篇趯趯阜螽傳云趯趯躍也躍與趯古同聲而通用小雅巧言篇躍躍躡躡免釋文他狄反是讀如趯

趨阜翁之趨爾雅躍躍迅也釋文
余斫反是又讀如魚躍于淵之躍

媼媼好也

卷一云媼好也重言之則曰媼媼毛詩小雅大東篇糾
糾葛屨可以履霜佻佻公子行彼周行既往既來使我
心疚傳云佻佻獨行貌釋文佻佻韓詩作媼媼往來貌
案糾糾是葛屨之貌非履霜之貌則媼媼亦是公子之
貌非獨行往來之貌猶之糾糾葛屨可以履霜摻摻女
手可以縫裳摻摻是女手之貌非縫裳之貌也說文媼
直好兒玉篇音徒了徒聊二切媼媼猶言苕苕張衡西
京賦云狀亭亭以苕苕是也故楚辭九歎注引詩作苕
若公子行彼周行大東釋文云媼媼本或作窈窕方言
美狀爲窈窕亦好貌也此句但言其直好下三句乃傷
其困乏言此媼媼然直好之公子馳驅周道往來不息
是使我心傷病耳廣雅訓媼媼爲好當是齊魯詩說若
毛詩因行彼周行而訓爲獨行韓詩因既往既
來而訓爲往來皆緣辭生訓非詩人本意也

呱呱號也

說文呱小兒號聲引大雅生民篇后稷呱矣
重言之則曰呱呱鼻陶謨云啟呱呱而泣

致致盡也

卷一云鉦盡也鉦與致通重言之則曰致致論衡語增
篇云傳語曰叮叮若荆軻之閭言荆軻爲燕太子丹刺
秦王後誅軻九族其後恚恨不已復夷軻
之一里一里皆滅故曰叮叮義與致致同

頻頻比也

說見卷三
頻比也下

囂囂虛也

法言君子篇云或曰人有齊外生同貧富等貴賤何如
曰信外生齊貧富同貴賤等則吾以聖人爲囂囂吳祕
注云若信是言則吾以聖人六經之旨爲囂囂之虛語
耳君子篇又云或曰世無仙則焉得斯語曰語乎者非
囂囂也歟吳祕注云囂
囂然方士之虛語耳

章章采也

荀子法行篇云故雖有珉之雕雕不若玉之章章

斤斤仁也

周頌執競篇斤斤其明爾雅斤斤察也義與仁不相近斤斤之下仁也之上蓋俱有脫文

葵葵孝也

蒸或作烝引之云堯典父頑母嚚象傲克諧以孝烝烝乂不格姦傳云諧和烝進也言能以至孝諧和頑嚚昏傲使進進以善自治不至於姦惡訓烝爲進雖本爾雅然以烝烝乂爲進進治則不辭甚矣今案經文當讀克諧爲句以孝烝烝爲句乂不格姦爲句列女傳云舜父頑母嚚父號瞽叟弟曰象敖遊於嬖舜能諧柔之承事瞽叟以孝蒸蒸邕九疑山碑云逮于虞舜聖德克明克諧頑傲以孝蒸蒸是讀克諧爲句以孝蒸蒸爲句也列女傳又云母憎舜而愛象舜猶內治靡有姦意是讀乂不格姦爲句也經云以孝烝烝烝烝卽是孝德之形容故

漢魏人多以烝烝爲孝者陸賈新語道基篇虞舜蒸蒸於父母光耀於天地後漢書章帝紀陛下至孝烝烝奉順聖德和熹鄧后紀以崇陛下烝烝之孝宋意傳陛下至孝烝烝張禹傳陛下體烝烝之至孝馬融傳陛下履有虞烝烝之孝袁紹傳伏惟將軍至孝蒸蒸發於岐嶷張衡東京賦蒸蒸之心感物會思躬追養於廟祧奉蒸嘗與禴祠高陽令楊著碑孝烝烝內發又云烝烝其孝恂恂其仁蔡邕胡公碑夫蒸蒸至孝德本也朱公叔墳前石碑孝于二親蒸蒸離離續漢書祭祀志注引蔡邕議云孝章皇帝大孝蒸蒸家語六本篇瞽瞍不犯不父之罪而舜不失烝烝之孝藝文類聚引魏弁蘭贊述太子表云昔舜以蒸蒸顯其德周旦以不驕成其名曹植鞏舞歌云古時有虞舜父母頑且嚚盡孝於田隴烝烝不違仁廣雅亦云蒸蒸孝也則知兩漢經師皆訓烝烝爲孝故轉相承用卒無異說也謂之烝烝者言孝德之厚美也大雅文王有聲篇文王烝哉韓詩云烝美也魯頌泮水篇烝烝皇皇傳云烝烝厚也皇皇美也王肅云言其人德厚美也

烝烝疾也

說文駢馬行疾也小雅
四牡篇云載驟駢駢

版版反也

版反聲相近字通作板爾雅版版盪盪僻也郭璞注云
皆邪僻大雅板篇上帝板板傳云板板反也正義云邪
僻卽反
展之義

管管浴也

大雅板篇靡聖管管傳云管管無所依繫箋云無聖人
之法度管管然以心自恣此云管管浴也浴字於義不
可通未詳
何字之譌

眊眊思也

漢書鮑宣傳極竭
眊之思眊與眊通

譏譏善也

說文譏善言也秦誓惟截截善諷言文十二年公羊傳引作惟譏善言楚辭九歎注引作譏譏靖言說文引作茈茈越語又安知是譏譏者乎公羊釋文引賈逵注云譏譏巧言也鹽鐵論論誹篇云疾小人譏譏面從而成人之過也潛夫論救邊篇云淺淺善靖竝字異而義同

庸庸用也

康誥云庸庸
祇祇威威

僂僂僚也

僂僂曹憲音都計反考說文玉篇俱無僂字僂僂疑當為捷僂僂與捷通卷一云僚捷慧也是捷與僚同義

紛纒不善也

呂刑泯泯勞勞傳云泯泯為亂勞勞同惡方言云南楚凡人語言過度及妄施行謂之纒皆謂不善也勞與紛通纒與纒通合言之則曰紛纒崔駰達旨云紛纒塞路凶虐播流纒纒曹憲音女交奴孔二反大雅民勞篇無縱

詭隨以謹惛惛傳云惛惛大亂也惛惛與紛纒聲近而義同

崎嶇傾側也

王褒洞簫賦云徒觀其旁山側兮則嶇嶇說文嶇嶇不安也史記陸賈傳云崎嶇山海閒司馬相如傳云民人登降移徙崎嶇而不安左思魏都賦云山阜猥積而崎嶇竝字異而義同

駘軋不平也

駘軋玉篇廣韻竝作駘軋所出未聞

蹇產詰曲也

楚辭九章思蹇產而不釋王逸注云蹇產詰屈也屈與詰通司馬相如上林賦蹇產溝瀆張注云蹇產詰曲也卷一云結曲也結與詰通

詭隨小惡也

此毛詩義也大雅民勞篇無縱詭隨以謹無良傳云詭隨詭人之善隨人之惡者以謹無良慎小以懲大也正義云無良之惡大於詭隨詭隨者尚無所縱則無良者謹慎矣案詭隨疊韻字不得分訓詭人之善隨人之惡詭隨卽無良之人亦無大惡小惡之分詭隨謂譎詐謾欺之人也詭古讀若果隨古讀若講講音土禾反字或作訛又作詆隨其假借字也方言云虔假慧也秦謂之謾晉謂之懇宋楚之間謂之捷楚或謂之謾自關而東趙魏之間謂之黠或謂之鬼說文云仇州謂欺曰訛楚辭九章云或忠信而夙節兮或詆謾而不疑燕策云寡人甚不喜詭者言也竝字異而義同

偃蹇天橋也

此疊韻之轉也漢書禮樂志郊祀歌云靈輿位偃蹇驥爾雅人曰橋郭注云類伸天橋橋字或作嬌又作矯司馬相如上林賦天矯枝格偃蹇杪顛郭注云天矯類申也張衡思元賦云偃蹇天矯婉以連卷兮天橋謂之偃

蹇故屈曲亦謂之偃蹇淮南子本經訓云偃蹇蓼糾曲
成文章司馬相如大人賦掉指擣以偃蹇張注云偃蹇
委曲貌是也天橋謂之偃蹇故驕傲亦謂之偃蹇崇高
亦謂之偃蹇哀六年左傳彼皆偃蹇杜預注云偃蹇驕
傲楚辭離騷望瑤臺之偃蹇
兮王逸注云偃蹇高貌是也

帶翳障蔽也

楚辭九歎舉霓旌之帶翳兮王逸注云
帶翳蔽隱貌餘見卷二翳膏蔽障也下

崢嶸澹冥也

爾雅冥幼也小雅斯干正義云爾雅幼或作窈孫炎曰
冥澹闇之窈也豫上六冥豫王虞注云冥淡也楚辭九
章幽兮杳杳王逸注云杳杳淡冥貌也是冥
與淡同義餘見卷三崢嶸澹也下崢與崢同

蹠蹠無常也

蹠或作蹠楚辭七諫馬蘭蹠蹠而日加王逸注云蹠蹠
暴長貌也暴長即無常之意無常謂之蹠蹠非常亦謂

之蹠蹠趙岐注孟子盡心篇云子張之爲人蹠蹠誦詭是也餘見卷三遼蹇也下

屏營怔忡

吳語王親獨行屏營仿惶於山林之中玉篇引注云屏營猶仿惶也法言重黎篇云六國電電爲羸弱姬卒之屏營羸擅其政楚辭九思遠倬遑兮驅林澤步屏營兮行邱阿注云憂憤不知所爲徒經營奔走也屏營怔忡皆驚惶失措之貌餘見卷二怔忡懼也下

餘憚懷憂也

楚辭七諫心餘憚而煩冤兮王逸注云餘憚憂愁貌也馮衍顯志賦云并日夜而幽思兮終餘憚而洞疑憚各本譌作尊惟影未本不譌

逍遙儻佯也

疊韻之轉也文選南都賦注引韓詩云逍遙遊也鄭風作逍遙檀弓作消搖楚辭離騷聊逍遙以相羊王逸注

云道遙相羊皆遊也逍遙一作須臾羊一作伴史記司馬相如傳招搖乎襄羊索隱郭璞曰襄羊猶仿佯也漢書作消搖乎襄羊文選李善本作消搖乎襄羊五臣本作招搖乎儻佯竝字異而義同開元占經石氏中官占引黃帝占云招搖尙羊也尙羊與儻佯古亦同聲或作徇佯說見下文徇佯戲蕩也下

仿佯徙倚也

哀十七年左傳如魚竄尾衡流而方羊鄭衆注云方羊遊戲呂氏春秋行論篇云仿佯於野淮南子原道訓云仿洋于山峽之旁史記吳王濞傳云仿佯天下漢書作方洋竝字異而義同齊風載驅傳云翱翔猶仿佯也翔與佯古亦同聲故釋名云翔佯也言仿佯也遊戲放蕩謂之仿佯地勢蕩亦謂之仿佯楚辭遠遊步徙倚而遙思佯無所倚廣大無所極是也楚辭遠遊步徙倚而遙思兮哀時命注云徙倚猶低徊也逍遙儻佯徙倚聲之轉儻佯仿佯聲相近上言逍遙儻佯此言仿佯徙倚一也故離騷云聊逍遙以相羊遠遊云聊仿佯而逍遙哀時命云獨徙倚而仿佯

佻讓惶勵也

勵各本譌作劇今訂正上文云惶惶佻佻勵也文選舞賦注引埤倉云讓疾行貌字通作讓史記貨殖傳云天讓相救兮先後并沒義與佻讓同方言云濁沭佻佻遠也遠與勑通惶遠謂之佻讓故擾亂亦謂之佻讓楚辭九辯悼余生之不時兮逢此世之佻讓是也王逸注以為遇讒而惶遠失之哀時命擬塵垢之枉讓兮王注云枉讓亂貌佻讓枉讓竝與佻讓同

佻回便旋也

此疊韻之變轉也佻回之正轉為盤桓變之則為便旋薛綜注西京賦云盤桓便旋也便旋猶盤旋耳佻回各本皆作佻回唯影宋本作佻回漢書高后紀注云佻回猶傷惶不進之意也史記司馬相如傳於是楚王乃弭節裴回漢書作佻回文選作佻回後漢書張衡傳作佻回竝字異而義同

曖曖翳翳也

楚辭離騷時曖曖其將罷兮王逸注云曖曖昏昧貌遠遊肯曖曖其曛莽兮注云日月晦暱而無光也衆經音義卷六引廣雅曖曖騎蒼也又引通俗文云雲覆日爲曖曖義與曖曖同餘見卷二曖曖騎蒼障也下曖曖各本譌作曖曖今訂正

揮援牽引也

揮之言蟬連援之言援引皆憂思相牽引之貌也楚辭離騷女嬃之嬋媛兮王逸注云嬋媛猶牽引也一作揮援九歌女嬋媛兮爲余太息九章心嬋媛而傷懷注竝與離騷同又九章忽傾寤以嬋媛一作儻儻何與嬋媛古聲相近亦牽引之意也憂思相牽謂之嬋媛樹枝相牽亦謂之嬋媛文選南都賦結根竦本莖條嬋媛李善注云嬋媛枝相連引是也

躑躅猶豫也

此雙聲之相近者也躑躅猶豫爲疊韻躑躅猶豫爲雙聲說文意躑躅也楚辭九辯蹇淹留而躊躇七諫注云

躊躇不行。貌竝與躑躅同。猶豫字，或作猶與單言之，則曰猶。曰豫，楚辭九章壹心而不豫兮。王注云：豫，猶豫也。老子云：與兮若冬涉川，猶兮若畏四鄰。淮南子兵略訓云：擊其猶，猶陵其與，與合言之，則曰猶豫。轉之則曰夷。猶曰容與，楚辭九歌君不行兮夷猶。王注云：夷猶，猶豫也。九章云：然容與而狐疑，容與亦猶豫也。秦曲禮云：卜筮者先聖王之所以使民決嫌疑，定猶豫也。離騷云：心猶豫而狐疑兮，史記淮陰侯傳云：猛虎之猶豫，不若蜂蠶之致螫。騏驥之躑躅，不如鴛鴦之安步。孟賁之狐疑，不如庸夫之必至也。嫌疑，狐疑，猶豫，躑躅，皆雙聲字。狐疑與嫌疑一聲之轉耳。後人誤讀狐疑二字，以爲狐性多疑，故曰狐疑。又因離騷猶豫狐疑相對成文，而謂猶豫是犬名，犬隨人行，存豫在前，待人不得，又來迎候，故曰猶豫。或又謂猶是獸名，每聞人聲，即豫上樹，久之復下，故曰猶豫。或以豫字從象，而謂猶豫俱是多疑之獸。以上諸說，具見於水經注、顏氏家訓、禮記正義及漢書注文。選注史記索隱等書，夫雙聲之字，本因聲以見義，不求諸聲而求諸字，固宜其說之多鑿也。

躊躇踟躕也

此雙聲之尤相近者也。急言之則曰蹻蹻，徐言之則曰蹻蹻。說文：蹻，住足也。或曰蹻蹻，又云蹻蹻，蹻也。姤初六：羸豕孚蹻蹻釋文。蹻，本亦作蹻。蹻，本亦作蹻。古文作蹻。柳風：靜女篇：搔首踟蹰。文選：鸚鵡賦：注引薛君韓詩章句云：脚蹻蹻蹻也。三年問：蹻蹻蹻蹻，蹻蹻蹻蹻。釋文作蹻蹻蹻蹻。蹻蹻，荀子禮論篇作蹻蹻。蹻蹻蹻蹻，蹻蹻蹻蹻。是類謀物瑞駉蹻蹻。注云：蹻蹻，猶蹻蹻也。成公綏嘯賦云：逍遙攜手蹻蹻。蹻蹻，字異而義同。說文：彳，小步也。彳，步止也。彳，與蹻亦相近。

翱翔浮游也

齊風載驅，驅傳云：翱翔猶彷徨也。翔，字古讀若羊。翱翔，雙聲也。載驅，云：齊子翱翔，齊子遊敖。翱翔遊敖，皆一聲之轉。故釋名云：翱翔，言敖遊也。翔，伴也。言仿伴也。楚辭：離騷：聊浮遊以逍遙。遊與游同。浮游，彷徨亦一聲之轉。游，各本譌作游。今訂正。

從容舉動也

楚辭九章懷沙篇重華不可選兮孰知余之從容王逸注云從容舉動也言誰得知我舉動欲行忠信案從容有二義一訓爲舒緩一訓爲舉動其訓爲舉動者字書韻書皆不載其義今詳引諸書以證明之九章抽思篇云理弱而媒不通兮尙不知余之從容哀時命云世嫉妬而蔽賢兮孰知余之從容此皆謂己之舉動非世俗所能知與懷沙同意後漢書馮衍傳顯志賦惟吾志之所庶兮固與俗其不同旣倣儻而高引兮願觀其從容此亦謂舉動不同於俗李賢注云從容猶在後也失之中庸云誠者不勉而中不思而得從容中道聖人也從容中道謂一舉一動莫不中道猶云動容周旋中禮也韓詩外傳云動作中道從容得禮漢書董仲舒傳云動作應禮從容中道王褒四子講德論云動作有應從容得度此皆以從容動作相對成文中庸正義云從容閒暇而自中乎道失之緇衣云長民者衣服不貳從容有常引都人士之詩云彼都人士狐裘黃黃其容不改出言有章從容與衣服相對成文狐裘黃黃衣服不貳也其容不改從容有常也正義以從容爲舉動得之大戴禮文王官人篇言行亟變從容易好惡無常行身不類從容與言行相對成文從容易謂舉動反覆也盧

辯注云安然反覆失之墨子非樂篇云會飲不美面目
顏色不足視也衣服不美身體從容不足觀也莊子田
子方篇云進退一成規一成矩從容一若龍一若虎楚
辭九章悲回風云寤從容以周流兮傳毅舞賦云形態
和神意協從容得志不劫漢書翟方進傳云方進伺記
陳慶之從容語言以詆欺成罪此皆晉人謂舉動爲從
容之證自動謂之從容動人謂之從憑聲義竝相近故
從憑或作從容史記吳王濞傳龜銘數從容言吳過可
削從容卽從憑漢書衛山王傳日
夜縱史王謀反事史記作從容

跼踖畏敬也

論語鄉黨篇跼踖如也馬融注云跼踖恭敬之貌孟子
公孫丑篇曾西蹵然趙岐注云蹵然猶蹵踖也跼蹵竝
與跼同

般桓不進也

曹大家注幽通賦云盤桓不進也屯初九磐桓釋文磐
本亦作盤又作槃馬云槃桓旋也爾雅般還也釋文引

易作般桓管子小問篇君乘駁馬而泝桓尹知章注云
泝古盤字漢張納碑作般桓張表碑作泝桓侯成碑作
磐桓郭究碑作槃桓劉竟
碑作盤桓竝字異而義同

結緡不解也

說見卷四
緡結也下

裊被不帶也

玉篇裊尺羊切披衣不帶也披與被通今人猶謂荷衣
不帶曰被衣莊子知北遊篇云蓄缺問道乎被衣合言
之則曰裊被楚辭離騷何桀紂之猖披兮王逸注云猖
披衣不帶之貌猖一作昌釋文作倡披一作被竝字異
而義同

軫輶轉戾也

說文戾曲也軫弱戾也軫與戾通方言軫戾也郭璞注
云相了戾也江東音善說文軫轉也考工記弓人老牛

之角終而後鄭注云終之意也孟子告子篇終兄之

展反許慎尚展反角絞縛之意也孟子告子篇終兄之

臂而奪之倉趙岐注云終戾也音義終張音軫又徒展

切淮南子原道訓蟠委錯終高誘注云終轉也卷四云

珍韃也曹憲音顯竝聲近而義同軻曹憲音牛力反各

本軻馮作軻自宋時本已然故集韻類篇俱有軻字音

色引廣雅軫軻轉戾也案說文玉篇廣韻俱無軻字集

韻類篇音色亦與曹憲牛力反之音不合考軻字本讀

如與子同袍之袍玉篇軻步毛切戾也廣韻同轉入聲

則讀如克岐克疑之疑軫軻雙聲字也或作珍抱又作

珍抱淮南子原道訓扶搖珍抱羊角而上高注云珍抱

了戾也扶搖如羊角轉曲榮行而上也珍讀與左傳感

而能眈者同抱讀詩克岐克疑之疑精神訓雖天地覆

育亦不與之珍抱矣注云珍抱猶持著也本經訓菱杼

珍抱注云珍戾也抱轉也皆壯采相銜持貌也珍讀珍

結之珍抱讀岐疑之疑高注讀抱為疑正與牛力反之

音相合今據以訂正凡字從包聲者多轉入職德緝合

諸韻其同位而相轉者若包犧之為伏犧抱雞之為伏

雞是也亦有異位而相轉者續漢書五行志注引春秋

考異鄭云陰氣之專精凝合生電電之為言合也是電

合聲相近玉篇云鮑憤魚也今謂衰魚鮑衰聲相近故
鮑魚轉爲衰魚猶之鮑崑聲相近故軫軫之鮑讀爲崑
也鮑字或書作軫故謔而爲軫集韻遂
讀爲色而類篇以下諸書皆仍其誤

陸離參差也

楚辭離騷云紛總總其離合兮班陸離其上下招魂云
長髮曼鬢鬢陸離些淮南子本經訓云五采爭勝流漫
陸離皆參差之貌也貌參差謂之陸離聲參差亦謂之
陸離揚雄甘泉賦云聲駢隱以陸離是也陸與流古同
聲甘泉賦云曳紅采之流離兮流離猶陸離耳陸與林
古聲亦相近司馬相如大人賦騷擾荷蕀其相紛挐兮
滂澠泱軋麗以林離攢羅列聚叢以龍葺兮衍漫流闌
疇以陸離張注云林離攢羅也陸離參差也林離猶陸
離攢攢猶參差耳又離騷高余冠之岌岌兮長余佩之
陸離岌岌高貌陸離長貌也九章云帶長鈇之陸離兮
冠切雲之崔嵬意與此同王
逸注云陸離猶參差失之

鞞憤茈刺也

說文敦戾也玉篇儘乖戾也合言之則曰敦儘楚辭離騷忽緯縉其難遷王逸注云緯縉乖戾也義與教儘同意相乖違謂之敦儘行相乖違亦謂之敦儘馬融廣成頌云徵儘霍奕別驚分奔是也乖刺猶乖戾語之轉耳說文刺戾也楚辭七諫云吾獨乖刺而無當兮

渙忍垢濁也

說見卷三渙
忍濁也下

倣儻卓異也

枚乘七發云倣兮儻兮合言之則曰倣儻文選封禪文奇物譎詭倣儻窮變李善注引漢書音義云倣儻卓異也報任少卿書云唯倣儻非常之人稱焉倣與倣同儻各本譌作黨今訂正

魁岸雄傑也

漢書江充傳充爲人魁岸容貌甚壯顏師古注云魁大也岸者有廉棱如崖岸之形案師古說岸字之義非是

魁岸猶魁梧語之轉耳張良傳贊以爲其貌魁梧奇偉
應劭注云魁梧邱虛壯大之意是也而師古乃云梧者
言其可驚梧
愈失之矣

洩汚穢也

說見卷三洩
浸濁也下

銀鏗不平也

說文銀鏗不平也文選魯靈光殿賦注引埤倉云礪礪
礪也莊子庚桑楚篇北居畏壘之山釋文畏本或作嶼
又作猥壘崔本作壘史記老子韓非傳作畏累管子輕
重乙篇山閒垠壘之壤左思魏都賦或崑崙而複陸木
華海賦礪磊山壘竝字異而義同山不平謂之畏壘氣
不平亦謂之畏壘論衡雷虛篇云刻尊爲雷之形一出
一入一屈一伸爲相校軫則鳴校軫之狀鬱律嶼壘之
類也鬱律卽畏壘之轉司馬相如上林賦云歲磈嶼廡
邱虛堀壘隱嶼鬱嶼大人賦云徑入雷室之碎磷
鬱律兮洞出鬼谷之坳壘歲魁皆畏壘之變轉也

凜澄霜雪也

廣韻凜霜雪白狀也。凜與凜同。說文皚霜雪之白也。劉歆遂初賦云：漂積雪之皚皚兮。劉楨贈五官中郎將詩：云霜氣何皚皚。皚與凜同。合言之則曰凜。豈楚辭九思：霜雪兮凜澄。注云：積聚貌。

趯難行也

說文趯，趯行不進也。夫九四其行次且。釋文次本亦作趯。或作趯。鄭作趯。且本亦作趯。或作踞。王肅云：趯，趯行止之礙也。竝與趯同。

瑰瑋琦玩也

說文瑰，偉也。或作瓌。又云：偉，奇也。玉篇引卑倉云：琦，瑋也。瑰，瑋珍琦也。史記司馬相如傳：儻瑰偉。漢書作瑰。瑋，魯靈光殿賦作瓌。瑋，竝字異而義同。

揣抗搖捎也

掉撲振訊也

竝說見卷一振訊掉拊搗抗動也下掉拊與掉撲同推曹憲音嘯各本譌作撲今訂正

躬躬謹敬也

躬曹憲音邱六反躬曹憲音邱弓反各本躬字譌作躬不成字體集韻平聲一東躬邱弓切引廣雅躬躬謹敬也入聲一屋躬邱六切引廣雅躬躬謹敬也躬躬二字皆是躬字之譌玉篇躬邱六切躬躬謹敬兒也躬巨弓切躬躬也今據以訂正聘禮記執圭入門鞠躬焉如恐失之釋文作鞠躬論語語鄉黨篇入公門鞠躬如也如不容孔傳云斂身也義竝與躬躬同踧踖鞠躬皆雙聲以形容之故皆言如孔傳本謂鞠躬爲斂身之貌非訓鞠爲斂躬爲身也皇侃疏云鞠曲斂也躬身也失之斂身卽謹敬之意故文訓爲謹敬史記韓長孺傳贊云壺遂之內廉行脩斯鞠躬君子也太史公自序云敦厚慈孝訥於言敬於行務在鞠躬君子長者漢書馮奉世傳贊鞠躬履方擇地而行顏師古注云鞠躬謹敬貌

委蛇窠哀也

委蛇窠哀皆疊韻委曹憲音於悲反各本窠哀作透哀於悲反之音在透字下案透與委同音不應複見且窠哀爲疊韻透哀則非疊韻備考諸書亦無以透哀二字連用者此因委字下之於悲反誤入窠字下校書者又改窠爲透以合於悲之音遂致斯謬考衆經音義卷三卷九卷十竝云廣雅委作窠邪也又云窠音烏瓜反今據以訂正說文池哀行也又云透池哀去之見或作囑凡哀與曲同義故哀貌謂之委蛇曲貌亦謂之委蛇召南羔羊篇委蛇委蛇傳云委蛇行可從迹也箋云委曲自得之貌釋文作委蛇韓詩作透迤莊子應帝王篇吾與之虛而委蛇列子黃帝篇作猗移楚辭離騷載雲旗之委蛇一作委移一作透迤遠遊云形軻蚪而透蛇九歎云遵江曲之透移兮又云帶隱虹之透蛇張衡西京賦聲清暢而倭蛇辭綜注云倭蛇聲餘詰曲也又說文委委隨也漢唐扶頌在朝透隨劉熊碑卷舒委隨衡方碑禕隋在公竝字異而義同說文窠汚哀下也史記滑稽傳汚邪滿車集解司馬彪云汚邪下地田也竝與窠哀同周官形方氏正其封疆無有華離之地鄭注云華

讀爲孤哨之孤正之使不孤邪離
絕孤邪與窳衰亦聲近而義同

怵惕恐懼也

周語云猶日怵
惕懼怨之來也

潢漾浩盪也

潢漾讀爲潢洋楚辭九辯然潢洋而不可帶王逸注云
潢洋猶浩蕩也蕩與盪通秦策鬼神狐祥無所會史記
春申君傳狐祥作孤傷新序善謀篇作潢洋枚乘七發
云浩灇灇兮司馬相如上林賦云灇灇潢漾史記莊子
傳云其言沈洋自恣以適己論衡案書篇云灇洋無涯
竝與潢洋同潢洋孤祥孤傷古聲竝相近莊子達生篇
水有罔象司馬彪本作無傷罔象之爲無傷猶潢洋之
爲孤祥孤傷矣張衡西京賦云彌望廣漾馬融長笛賦
云曠灇做罔亦
與潢洋聲相近

振摺屨極也

展極猶伸極也。邶風擊鼓篇不我信兮，傳云信極也。信與伸同。說文崑蟲曳行也。曳行卽展極之意。故崑撮竝音丑。善反集韻摺引也。合言之則曰撮摺。玉篇撮摺醜長兒，長與展極義亦相近。

惛悒愴也

惛之言喟然也。玉篇悒滿也。王粲從軍詩云夙夜自悒，性合言之則曰惛悒。說文愴悒壯士不得志也。楚辭九章好夫人之愴悒，愴各本譌作怳，今訂正。

徜徉戲蕩也

宋玉風賦云徜徉中庭，楚辭惜誓云託回颺乎尚羊。王逸注云尚羊遊戲也。淮南子覽冥訓云尚羊冀州之際。漢書禮樂志郊祀歌云周流常羊，思所并後。漢書張衡傳思元賦，悵相佯而延佇，文選作徜徉，竝字異而義同。戲蕩謂之常羊，故舞貌亦謂之常羊。跳貌亦謂之常羊。郊祀歌幡比，琰回集貳雙飛，常羊文穎注云舞者骨騰肉飛如鳥之回翅而雙集也。說苑辨物篇齊有飛鳥一足來下止于殿前，舒翅而跳。孔子曰此名商羊，商羊常

羊聲相近蓋卽以其跳舞而名之也召南草蟲篇嘒嘒
草蟲傳云草蟲常羊也螽行則跳躍故亦有常羊之名
於草蟲言其鳴於阜螽言其躍互文耳引之云文選高
唐賦王雉鸞黃正冥楚鳩姊歸思婦壘雞高巢其鳴啾
啾當年遨遊李善云一本云子當千年萬世遨遊未詳
案年當爲羊字形相近而誤當羊卽尚羊也楚辭惜誓
注云尚羊遊戲也正與遨遊同義其一本作子當千年
萬世遨遊詞理甚爲紕繆且賦又兩句一韻多一句則
儂互不齊蓋
妄人改之也

規規籛條侏儒僂僂瘖瘖僂昏聵聵瞶瞶入疾也

晉語籛條不可使倪或施不可使仰僂僂不可使舉侏
儒不可使援瞶瞶不可使視聵瘖不可使言聵聵不可
使聽僂昏不可使謀韋昭注云籛條偃人或施僂人僂
僂長三尺不能舉重侏儒短者不能抗援有眸子而無
見曰矇無眸子曰瞶口不道忠信之言爲聵瘖瘖不能言
者耳不別五聲之和爲聾生而聵曰聵僂無知昏闇亂
也或施與規規同規各本譌作頤今訂正襄四年左傳
云我君小子朱儒是使朱與侏通魯語僂僂氏長三尺

短之至也注云焦僂西南蠻之別名海外南經云周饒國其爲人短小冠帶一曰焦僂國焦與僂通焦僂周饒聲相近說文瘡不能言病也釋名云瘡唵然無聲也淮南子地形訓云障氣多喑風氣多聾喑與瘡通晉語聾瘡不可使言則聾瘡皆不能言之疾韋注口不道忠信之言爲聾非也廣雅所列八疾之名皆本晉語唯聾瘡之聾作瘡音易下反疑廣雅本作聾後人不解其義而改爲瘡且竝改曹憲之音也卷三但鈍也曹憲音疽今本作但音度滿反卷八敵舌也曹憲音媽今本作敵音插此後人改音之明證矣卷三云僮癡也周官司刺三救曰蠢愚鄭注云蠢愚生而癡駭僮昏者童與僮通說文聾無聞也聾生聾也釋名云聾籠也如在蒙籠之內聽不察也法言問明篇云吾不見震風之能動聾聵也聵各本譌作聵今訂正聾聵皆不能聽之疾韋注耳不別五聲之和爲聾亦非也大雅靈臺篇矇矇奏公毛傳與韋注同釋名云矇有眸子而失明蒙蒙無所別也矇矇壞也凡事理之相近者其名卽相同籛條威施侏儒皆疾也故人之不肖者亦曰籛條威施侏儒邶風新臺篇云燕婉之求籛條不鮮又云燕婉之求得此威施鄭語云侏儒威施實御在側近頑童也皆謂不肖之人也

淮南子脩務訓注云籛籛偃威施儂皆醜貌也故物之粗醜者亦曰籛籛威施方言云葦之粗者自關而西謂之籛籛太平御覽引薛君韓詩章句云威施蟾蜍喻醜惡是也侏儒短人也故梁上短柱亦謂之侏儒淮南子主術訓云脩者以爲欄榱短者以爲朱儒枅榼是也不能言謂之瘖故不言亦謂之瘖晏子春秋諫篇云近臣嘿遠臣瘖是也不能言謂之嚚不能聽謂之聾故口不道忠信之言亦謂之嚚耳不聽五聲之和亦謂之聾左傳僖二十四年富辰所云是也

展轉反側也

說文展轉也合言之則曰展轉周南關雎篇輾轉反側釋文輾本亦作展展轉卽反側重言以申意耳故小雅何人斯篇以極反側箋云反側展轉也關雎正義云反側猶反覆也大雅民勞篇以謹繾綣傳云繾綣反覆也繾綣與展轉聲近義同

憺怖懷也

訖各本譌作休今訂正方言脅閭懼也齊楚之間曰脅
閭闕與澗通說文恍恐也恍與流通合言之則曰澗恍
方言翻恍遑遑也江湘之間凡窘猝怖遑謂之澗
恍郭璞注云喘嗜貌也卷二云遑懼也遑與據通

忸怩感吝也

說見卷一慙怩感吝慙也下慙
與忸同感各本譌作慙今訂正

囁哖諛護也

此雙聲之相近者也囁諛聲相近魏風伐檀篇河水清
且漣漪爾雅漣作瀾是其例也哖護聲亦相近士喪禮
牢中笏寸鄭注云牢讀爲樓是其例也方言囁哖諛護
哖也東齊周晉之鄙曰囁哖囁哖亦通語也南楚曰諛
護哖揚州會稽之語也郭璞注云哖言諛哖也平原人
呼囁哖也玉篇諛諛言不可解也說文哖率引也哖與
諛通說文遑連遑也護諛護也玉篇哖哖多言也諛護
哖哖也楚辭九思云媒女詘兮諛護惟南子原道訓終
身運枯形于連嘖列埒之門高誘注云連嘖猶離婁也
委曲之貌竝字異而義同劉向熏鑪銘云彫嘖萬歌離

婁相加說文慶屋麗慶也離婁麗慶聲與連連皆相近
故離彖傳云離麗也王弼注兌卦云麗猶連也鄭柱士
衷禮云古文麗爲連王延壽王孫賦云羌難得而覩縷
玉篇覩力却切覩縷委曲也覩縷與連連聲亦相近故
同訓爲委曲矣

惛恹欺慢也

說見卷二惛恹謾欺也
下地與恹同謾與慢同

譖諱啁欺也

諱曹憲音乎報反各本譌作評惟影朱本皇甫本不譌
玉篇諱相欺也潛夫論浮侈篇云事口舌而習調欺調
與啁同

齋局匍跽也

說文齋行曲脊也齋與齋通小雅正月篇謂天蓋高不
敢不局傳云局曲也合言之則曰齋局楚辭離騷僕夫

悲余馬懷兮蹇局願而不行王逸注云蹇局詰屈不行
貌九思蹇跼兮寒局數注云蹇跼偃僕也茲與養局同
餘見卷三匍
蹇伏也下

鞅罔無賴也

方言央亾猶也江湘之間或謂之無賴凡
小兒多詐而猶謂之央亾央亾與鞅罔同

亭父夏稽卒也

方言南楚東海之間亭父謂之亭公卒謂之弩父或謂
之稽續漢書百官志注引風俗通義云漢家因秦大率
十里一亭亭雷也蓋行旅宿食之所館亭吏舊名負弩
改爲亭長或謂亭父漢書高祖紀應劭注云舊時亭有
兩卒一爲亭父掌開閉埽除一爲求盜掌逐捕盜賊會
貨志月爲更卒顏師古注云更卒謂給郡縣一月而更
者也如淳注昭帝紀云更有三品有卒更有踐更有過
更古者正卒無常人皆當迭爲之一月一更是謂卒更
也貧者欲得願更錢者次直者出錢願之月二千是謂
踐更也天下人皆直戍邊三日亦名爲更雖丞相子亦

在戍邊之調不可人人自行三日戍又行者當自戍三日不可往便還因使住一歲一更諸不行者出錢三百入官官以給戍者是謂過更也續漢書百官志注引劉劭爵制云秦爵四級曰不更不更者爲車右不復與凡更卒同也方言注云褚言衣赤也音赭說文褚卒也隸人給事者衣爲卒卒衣有題識者鄭注周官司常云今亭長著絳衣

綢繆纏繇也

此疊韻之轉也說見卷四綢繆纏也下

讎曠直視也

淮南子道應訓齧缺繼以讎夷高誘注云讎夷熟視不言夷與曠通曠各本譌作曠影朱本皇甫本不譌

揚推嫜權堤封無慮都凡也

釋詁云都大也聚也說文凡最括也合言之則曰都凡猶今人言大凡諸凡也揚推雙聲字也莊子徐無鬼篇

則可不謂有大揚推乎淮南子傲真訓作物豈可謂無
大揚擢乎高誘注云揚擢猶無慮大數名也莊子釋文
引許慎注云揚推粗略法度也案大揚推猶言大略許
高二說是也郭象莊子注云推而揚之王叔之義疏云
推略而揚顯之皆非是漢書敘傳云揚推古今監世盈
虛述倉貨志第四揚推古今猶言約略古今上文云略
存大綱以統舊文述禮樂志第二下文云略表山川彰
其剖判述地理志第八皆是此意顏師古注云揚舉也
推引也揚推者舉而引之陳其趣也亦非是左思蜀都
賦請爲左右揚推而陳之劉逵注云韓非有揚推篇班
固曰揚推古今其義一也李善注引許慎云揚推粗略
也揚推而陳之猶言約略而陳之故廣雅訓爲都凡也
揚推者大數之名故或言大推續漢書律厯志云其可
以相傳者唯大推常數而已字亦作較史記律書世儒
闕於大較索隱云較音角又謂之商推卽揚推之轉陸
機吳趨行云淑美難窮紀商推爲此歌左思吳都賦云
商推萬俗是也單言之則曰推左思魏都賦推惟庸蜀
與鴈鵠同窠句吳與憲暉同穴推惟者發凡之詞猶言
大氏耳字亦作較嵇康養生論較而論之猶言約而論
之耳婢推猶揚推也檀弓以爲沽也鄭注云沽猶略也

釋文沽音古聲與嫖相近椎之言大較也漢司隸校尉魯峻碑云獨細舉大椎然疏發合言之則曰嫖椎或作辜較孝經蓋天子之孝也孔傳云蓋者辜較之辭劉炫述義云辜較猶梗槩也孝道既廣此纔舉其大略也梗槩與辜較一聲之轉略陳指趣謂之辜較總括財利亦謂之辜較皆都凡之意也說文秦以市買多得爲局與辜義相近漢書武帝紀初椎酒酤韋昭注云以木渡水曰椎謂禁民酤釀獨官開置如道路設木爲椎獨取利也顏師古注云椎者步渡橋今之略約是也步渡橋謂之略約亦謂之椎都凡謂之大椎亦謂之約略其義一也合言之則曰辜椎漢書陳咸傳云沒入辜椎財物翟方進傳云多辜椎爲姦利者王莽傳云豪吏猾民辜而權之應劭注武帝紀作酤椎晉灼注鄭當時傳作辜較竝與嫖椎同嫖與椎皆總括之意故釋言云嫖椎也此云嫖椎都凡也後漢書靈帝紀注引漢書音義云辜障也椎專也謂障餘人賣買而自取其利分辜椎爲二義已失於迂顏師古乃云辜椎者言已自專之它人取者輒有辜罪其失甚矣堤封亦大數之名猶今人言通共也漢書刑法志一同百里堤封萬井蘇林注云堤音祇陳畱人謂舉田爲祇李奇注云堤舉也舉四封之內

也顏師古注云李說是也提讀如本字蘇音非也說者或以爲積土爲封謂之堤封既改文字又失義也案諸說皆非也提封卽都凡之轉提封萬井猶言通共萬井耳倉貨志云地方百里提封九萬頃地理志云提封田一萬四千五百一十三萬六千四百五頃匡衡傳云樂安鄉本田提封三千一百頃義竝與此同若訓提爲舉訓封爲四封而云舉封若干井舉封若干頃則甚爲不辭又東方朔傳云迺使大中大夫吾邱壽王與待詔能用筭者二人舉藉阿城以南蓋屋以東宜春以西提封頃畝及其賈直亦謂舉籍其頃畝之大數及其賈直耳若云舉封頃畝則尤爲不辭且上言舉籍下不當復言舉封以此知諸說之皆非也堤封與提封同蘇林音祇曹憲音時集韻音常支切字作隄引廣雅隄封都凡也李善本文選西都賦提封五萬五臣本及後漢書班固傳竝作隄封提封爲都凡之轉其字又通作堤隄則亦可讀爲都奚反凡假借之字依聲託事本無定體古今異讀未可執一顏注以蘇林音祇爲非匡謬正俗又謂提封之提不當作隄字且不當讀爲都奚反皆執一之論也無慮亦大數之名宣十一年左傳釋文云無慮如字一音力於反無慮疊韻字也或作亾慮漢書李廣傳

諸妄校尉以下張晏注云妄猶凡也諸妄猶諸凡諸凡
猶都凡耳妄與亡慮之亡聲相近諸妄亦疊韻也荀子
議兵篇焉慮率用賞慶刑罰執詐而已矣楊倞注云慮
大凡也漢書賈誼傳慮亡不帝制而天子自爲者顏師
古注云慮大計也言諸侯皆欲同帝制而爲天子之事
下文云宗室子孫慮莫不王語意正與此同故師古亦
云慮大計也今本注文脫去大字正文慮莫不王足正今本之失
慮賈子五美篇云宗室子孫慮莫不王足正今本之失
合言之則曰無慮倉貨志天下大氏無慮皆鑄金錢矣
注云大氏猶言大凡也無慮亦謂大率無小計慮耳趙
充國傳亡慮萬二千人注云亡慮大計也案師古以無
慮爲大計是也而又云大率無小計慮則鑿矣淮南子
注云無慮大數名也周髀算經無慮後天十三度十九
分度之七趙爽注云無慮者粗計也後漢書光武紀將
作大匠竇融上言園陵廣袤無慮所用李賢注云謂請
園陵都凡制度也無慮之轉爲孟浪莊子齊物論篇夫
子以爲孟浪之言而我以爲妙道之行也李頤云孟浪
猶較略也崔謨云不精要之貌左思吳都賦若吾之所
傳孟浪之遺言略舉其梗概而未得其要妙也劉逵注
云孟浪猶莫絡不委細之意莫絡孟浪無慮皆一聲之

轉總計物數謂之無慮。總度事情亦謂之無慮。皆都凡之意也。禮運云：聖人耐以天下爲一家，以中國爲一人者，非意之也。鄭注云：意，心無所慮也。宣十一年左傳：使封人慮事以授司徒。杜注云：慮，事無慮。計功皆是也。今江淮閒人謂揣度事立曰：母量，卽無慮之轉。而禮記正義乃云：心所無慮者，謂於無形之處用心思慮。左傳正義又云：築城之事無則慮之訖，則計功胥失之矣。揚推嫖椎堤封無慮，皆兩字同義。後人望文生訓，遂致穿鑿而失其本旨。故略爲辯正。大氏雙聲疊韻之字，其義卽存乎聲求諸其聲，則得求諸其文，則惑矣。附引廣雅四條。

蹠蹠盤姍也

見衆經音義卷十一。此疊韻之相近者也。侈言之則曰：盤姍約言之則曰：蹠蹠。皆行不正之貌也。說文：蹠，足不正也。廣韻：蹠，跛行兒。蹠，蹠與盤姍同。莊子：大宗師篇：蹠蹠而鑑于井。釋文：蹠蹠，崔本作邊鮮。司馬云：病不能行，故蹠蹠也。竝與蹠蹠同。史記：平原君傳有蹠者，槃散行汲集解云：散亦作蹠。司馬相如傳：嬖瑯勃牽上金隄。

漢書珊作媽韋昭注云嬖嬖勃率匈奴上也竝與盤媽同又玉篇蹠蹠旋行兒廣韻云蹠蹠旋行兒張衡南都賦說舞貌云蹠蹠蹠蹠亦行不正之貌也蹠與蹠同蹠蹠失足也

文選西京賦鯨魚失流而蹠蹠李善注引楚辭九懷云驥至兩耳中坂蹠蹠又引廣雅蹠蹠失足也

見上林賦雪賦注爾雅遂退也宣六年公羊傳云趙盾遂巡北面再拜稽首管子戒篇作遂遁小問篇作遵遁晏子問篇作巡遁又作遂循莊子至樂篇作躡循漢書項籍傳作遁巡竝字異而義同

膠葛驅馳也

史記司馬相如傳雜遝膠葛以方馳兮索隱引廣雅膠葛驅馳也漢書作膠鞞楚辭遠遊騎膠葛以雜亂兮王逸注云參差駢錯而縱橫也九歎云潺援鞞鞞雷動電發駟高舉兮竝字異而義同說文駟馬疾走也玉篇音

居遏切駒與
輻義相近

廣雅疏證卷六上終

廣雅疏證卷六下

魏清河張揖撰

高郵王念孫疏證

釋親

翁公交爸爸奢父也

翁公聲相近史記項羽紀云吾翁卽若翁魏策云陳軫將行其子陳應止其公之行各本公字誤入曹憲音內今訂正爸爸者父聲之轉爹爹奢聲相近廣韻爹北人呼父也奢吳人呼父也奢曹憲音止奢反高誘注淮南子說山訓云雜家謂公爲阿社社與奢聲相近翁公交父古或以爲長老之稱史記馮唐傳文帝問唐曰父知之乎方言倭父老也東齊魯衛之間凡尊老謂之倭周晉秦隴謂之公或謂之翁南楚謂之父或謂之父老倭與交同下文妻之父謂之父娣妻之母謂之母娣娣與爹聲亦相近

媼妣馳婢媼媼姐母也

媽

方言南楚瀑涯之閒母謂之媼馳與下姐字同說文蜀人謂母曰姐淮南謂之社馳各本作肥蓋因上文爸字從巴而誤集韻類篇馳字注引廣雅馳母也肥字注亦云母也則宋時廣雅本已有譌作肥者考玉篇廣韻俱無肥字玉篇云姐古文作馳今據以訂正廣韻媼楚人呼母也說文媼母老稱也文穎注漢書高祖紀云幽州及漢中皆謂老嫗爲媼韓非子外儲說篇云衛君之晉謂薄疑曰吾欲與子皆行薄疑曰請歸與媼計之衛君自請薄媼薄媼曰君有意從之甚善衛君曰吾以請之媼媼許我矣是媼爲母之異名又爲婦人長老之稱也其婦人長老之稱亦謂之母史記廉頗蘭相如傳趙王謂趙括之母曰母置之是也玉篇媽莫補切母也集韻類篇並引廣雅媽母也今本脫媽字

媼孟姊也

此方言文也媼廣韻作媼云齊人呼姊也

媼姊妹也

媼妹聲相近桓二年公羊傳若楚王之妻媼何休注云媼妹也說文楚人謂女弟曰媼爾雅注亦云猶今謂兄爲第妹爲媼爾雅女子同出謂先生爲媼後生爲娣莊十九年公羊傳云諸侯娶一國則二國往媵之以姪娣從姪者何兄之子也娣者何弟也各本娣字誤在下文社字上邢昺爾雅疏引廣雅娣社妯娣似先後也則所見已是誤

社

說文社字之解見上姐母也下姐社聲相近淮南子說山訓西家子謂其母曰社何愛速从高誘注云江淮間謂母爲社社讀雜家謂公爲阿社之社社字本在上文母也一條內各本錯出在此邢疏所引已誤

妯娣似先後也

方言築媼匹也郭注云今關西兄弟婦相呼爲築媼築與妯同妯之言儔也集韻妯又音儔方言云媼耦也妯曹憲音似各本脫去妯字其音內似字又誤入正文邢疏所引已誤今訂正爾雅長婦謂稚婦爲娣婦娣婦謂

長婦爲媼婦郭注云今相呼先後或云媼媼漢書郊祀志長陵女子曰乳外見神於先後宛若孟康曰兄弟妻相謂先後宛若字也顏師古曰古謂之媼媼今關中俗呼之爲先後吳楚俗呼之爲媼媼服傳媼媼婦者弟長也鄭注云媼媼婦者兄弟之妻相名也成十一年左傳聲伯之母不聘穆姜曰吾不以妻爲媼杜注云聲伯之母叔肸之母也昆弟之妻相謂爲媼穆姜宣公夫人宣公叔肸同母昆弟昭二十八年傳叔向娶於申公巫臣氏生伯石伯石始生子容之母走謁諸姑曰長叔媼生男注云子容母叔向媼伯華妻也成十一年正義云世人多疑媼媼之名皆以爲兄妻呼弟妻爲媼弟妻呼兄妻爲媼因卽惑於傳文不知何以爲說今謂母婦之號隨夫尊卑媼媼之名從身長幼以其俱來夫族其夫班秩既同尊卑無以相加遂從身之少長喪服傳曰媼媼婦者弟長也以弟長解媼媼言媼是弟媼是長也長謂身之年長非夫之年長也釋親云長婦謂稚婦爲媼婦媼婦謂長婦爲媼婦止言婦之長稚不言夫之大小今穆姜謂聲伯之母爲媼昭二十八年傳叔向之媼謂叔向之妻爲媼二者皆呼夫弟之妻爲媼豈計夫之長幼乎釋親又云女子同出謂先生爲媼後生爲媼孫炎

云同出謂俱嫁事一夫也事一夫者以已生先後爲娣
娣則知娣娣以已之年非夫之年也故賈逵鄭元及此
注皆云兄弟之妻相謂爲娣言兩人相謂謂長者爲娣
知娣娣之名不計夫之長幼也邵氏二雲爾雅正義曰
孔氏之說非也婦人三從之義既嫁從夫若娣娣之名
從身之少長不計夫之長幼則從夫之義謂何矣女子
同出謂先生爲娣後生爲娣此謂俱事一夫者也長婦
謂稚婦爲娣婦娣謂長婦爲娣婦此謂各事一夫者
也夫年有長稚故婦從夫而有長婦稚婦孔氏以女子
之俱事一夫者牽合於昆弟之妻則不達於雅訓矣孔
氏所據者左傳之稱弟妻爲娣耳殊不知古之稱娣娣
者猶今人稱娣娣也兄妻稱弟妻曰娣娣弟妻亦稱兄
妻曰娣娣蓋析言之則兄妻爲娣弟妻爲娣合言之則
昆弟之妻統稱爲娣娣約言之則但稱爲娣娣娣先後
娣娣俱可連稱知娣娣之可連稱則左傳之稱娣者不
過稱謂之閒偶從其省不得因此而致疑於兄妻爲娣
弟妻爲娣也釋名云少婦謂長婦曰娣言其先來已所
當法似也長婦謂少婦曰娣娣弟也已後來也或曰先
後以來先後言之也據此則長婦少婦皆以其夫之長
少名之也案二雲說是也郊特性云婦人無爵從夫之

爵坐以夫之齒明婦人不以己之齒爲坐次也何獨至於稱謂之間而但計己之長幼不計夫之長幼乎兄長者爲媿幼者爲娣故婦從其夫而亦有長稚之稱女子同出以長稱男子先生爲兄後生爲弟故婦從其夫而亦有媿幼之稱也先後亦長幼也故魯語夫宗廟之有昭穆以次世之長幼也韋昭注云長幼先後也弟長亦先後也故吳語孤敢不順從君命長弟注云長先也弟後也娣之言弟媿之言始也或言娣媿或言弟長或言先後或言長婦稚婦其義一也

父渠也

白虎通義云父者矩也以法度教子也矩與渠同

母牧也

說文母牧也

兄況也

白虎通義云况者
况也况父法也

弟悌也

白虎通義云弟者
悌也心順篤行也

子孜也

白虎通義云子者孳也
孳孳無已也孳與孜同

孫順也

穀媿兒姓子也

穀之言孺也字本作穀通作穀莊子駢拇篇賦與穀二
人相與牧羊崔謨本穀作穀云孺子曰穀方言北燕朝
鮮冽水之間爵子及雞雞皆謂之穀義與穀相近也媿
亦兒也方俗語有輕重耳說文媿媿也釋文云人始
生日嬰兒或曰嬰媿孟子梁惠王篇反其旄倪趙岐注
云倪弱小繫倪者也繫倪與嬰媿同凡物之小者謂之

倪嬰兒謂之媿鹿子謂之麋小蟬謂之媿老人齒落更生細齒謂之覩齒義竝同也姓者生也子孫之通稱也周南麟之趾篇云振振公子振振公姓玉藻縞冠元武子姓之冠也鄭注云謂父有喪服子爲之不純吉也喪大記卿大夫父兄子姓立于東方注云子姓謂衆子孫也姓之言生也昭四年左傳云問其姓對曰余子長矣姓與生古同聲而通用商頌殷武篇以侏我後生鄭箋云以此全守我子孫生卽姓字也

男任也

大戴禮本命篇云男者任也子者孳也男子者言任天地之道而長萬物之義也故謂之丈夫丈夫者長也夫者扶也言長萬物也白虎通義云男者任也任功業也

女如也

大戴禮本命篇云女者如也子者孳也女子者言如男子之教而長其義理者也故謂之婦人婦人伏於人也白虎通義云女者如也從如人也

姑謂之威

說文威姑也引漢律婦告威姑威姑卽爾雅所謂君姑也君與威古聲相近說文君從艸君聲讀若威是其例也

嫗謂之妻

說文嫗母也昭三十一年公羊傳云顏夫人者嫗盈女也妻與嫗不同義蓋因下文數妻字而誤妻當爲姁說文姁嫗也

姑故也

釋名云父之姊妹曰姑姑故也言於己爲久故之人也夫之母曰姑亦言故也白虎通義云舅者舊也姑者故也舊故老人稱也

姊咨也

白虎通義云
姊者吝也

嫂

鄭注喪服傳云嫂猶
容也安老人稱也

妹末也

白虎通義云
妹者末也

夫扶也

白虎通義云夫者
扶也以道扶接也

妻齊也

白虎通義云妻者
齊也與夫齊體也

婦服也

白虎通義云婦者服也以禮屈服也
又云婦者服也服於家事事人者也

妾接也

白虎通義云妾者
接也以時接見也

同門謂之壻

壻上蓋脫友字釋名云兩壻相謂曰亞言一人取姊一
人取妹相亞丈夫也又竝來至女氏門則姊夫在前妹夫
在後亦相亞也又曰友壻言相親友也漢書嚴助傳
家貧爲友壻富人所辱顏師古注云友壻同門之壻

妻之父謂之父娣妻之母謂之母娣

方言南楚瀑涯之間謂婦妣曰母娣稱婦考曰父娣說
文江淮之間謂母曰媿媿與娣聲義相近各本母娣上
脫之字

今補

君妻謂之小君

莊二十二年穀梁傳云小君非君也其
日君何也以其爲公配可以言小君也
男子謂之丈夫女子謂之婦人

說見上男任
也女如也下

妻謂之媯

說文媯
下妻也

婿謂之倩

方言東齊之閒婿謂之倩郭注云言可偕倩也今俗呼
女婿爲卒便是也案婿倩皆有才知之稱也婿之言胥
也鄭注周官云胥有才知之稱也倩之言媯也說文媯
有才也顏師古注漢書朱邑傳云倩士之美稱義與婿
謂之倩相近史記倉公傳云黃氏諸倩
倩者婿聲之轉緩言之則爲卒便矣

人一月而膏二月而脂三月而胎四月而胞五月而筋六

月而骨七月而成八月而動九月而蹀十月而生

此淮南子精神訓文也淮南子作二月而腠三月而胎四月而肌文子九守篇作二月而脉三月而胚四月而

胎餘與廣雅同

燈牒胎也

爾雅胎始也燈或作牒廣韻燈羊胎也又云牒畜胎也牒之言媒也說文牒婦胎孕牒兆也

躬體身也

首謂之頭

顛顏題顛額也

方言顛額顏顛也江湖之間謂之顛中夏謂之額東齊謂之顛汝穎淮泗之間謂之顏釋名云額鄂也有垠鄂也故幽州人則謂之鄂也額與顛同方言注云今建平人呼額爲顛顏之爲言岸然高也鄒風君子偕老篇揚

且之顏也毛傳云廣揚而顏角豐滿呂氏春秋遇合篇
陳有惡人焉曰敦洽讎麋椎頰廣顏色如漆褚史記蔡
澤傳先生曷鼻巨肩黠顏蹙鬚顏皆謂頰也索隱以爲
顏貌失之爾雅頰題也說文題頰也王制云南方曰蠻
雕題交趾北山經云狀如豹而文題白身頰謂之顏題
故所以飾頰者亦謂之顏題續漢書輿服志云古者有
冠無績至秦乃加其武將首飾爲絳袖以表貴賤其後
稍稍作顏題宋衛策云宋康王爲無顏之冠是也莊子
馬蹄篇齊之以月題司馬彪注云月題馬頰上當頰如
月形者也義與顏題亦相近說文頰頰也說卦傳云其
於人也爲廣頰又云其於馬也爲的
頰爾雅的頰白頰頰題題一聲之轉

頰頰謂之髑髏

此疊韻之轉也急言之則曰頭徐言之則曰髑髏轉之
則曰頰頰說文頰頰首骨也或但謂之頰秦策云頭頰
僵仆相望於境船頭謂之髑髏義亦同也說文髑
髑頂也莊子至樂篇云見空髑髏髑髏然有形

目謂之眼

頤也虞翻作顴僖五年左傳輔車相依衛
風頤人正義引服虔注云輔上頤車也

頤頤頤也

方言頤頤頤也南楚謂之頤秦晉謂之頤頤其通語也
郭注云謂頤車也頤與頤同說文頤頤也宣六年公羊
傳絕其頤何休注云頤口也漢書王莽傳作頤說文臣
頤也篆文作頤籀文作頤頤之言合也說文頤頤也釋
名云頤養也動於下止於上上下咀物以
養人也或曰頤車頤含也口含物之車也

頤頤頤也

頤頤爲頤頤之頤頤爲鼻頤之頤頤通作準急就篇頭
頤頤頤眉目耳顏師古注云頤兩頤之權也素問至真
要大論齒痛頤腫亦謂頤頤也漢書高祖紀隆準而龍
顏服虔曰準音批應劭曰準頤權準也李斐曰準鼻也
文穎曰音準的之準晉灼曰戰國策云眉目準頤權衡
史記秦始皇蜂日長準李說文音是也案淮南子說林
訓云汚準而粉其頤雖善者弗能爲工易乾鑿度觀表
出準虎鄭注云準在鼻上而高顯則隆準之準李斐謂

爲鼻文頰音準的之準皆是也然廣雅訓頰爲頰則鼻
準之準亦有拙音矣靈樞經五變篇云頰骨者骨之本
也頰大則骨大頰小則骨小字通作權中山策云眉目
準頰權衡是也說文頰權也夫九三壯于頰釋文頰程
云面頰頰閒骨也鄭作頰蜀才作仇素問氣府論作顛
竝字異而義同頰頰一聲之轉權者平也兩高相平謂
之權猶雙闕謂之觀也頰亦高貌也說文馘高也義與
頰相近說文頰鼻莖也或作顛孟子梁惠王篇云舉疾
首蹙頰而相告史記蔡澤傳云先生昂鼻巨
肩蹙頰蹙顛釋名云頰鞍也偃折如鞍也

策喙喙口也

衆經音義卷一引字書云策鳥喙也張衡西京賦云秦
政利觜長距觜與策同說文喙喙也喙口也史記趙世
家云龍面而鳥喙曹風候人篇云維鷓在梁不濡其味
考工記梓人云以注鳴者味注竝與喙同字又作啄漢
書東方朔傳尻益高者鶴俛啄也顏師古注云啄鳥觜
也音竹救反爾雅味謂之柳味本或作喙史記天官書
柳爲鳥注漢書天文志作喙文選洞簫賦巫喙詭轉喙
或爲味喙字皆是喙字之譌陸德明李善音許穢反非

也喝啄味注古同聲
而通用喙則遠矣

呬謂之吻

說文吻口邊也或作膳文選文賦注引倉頡篇云吻唇
兩邊也曲禮負劔辟呬詔之則掩口而對少儀有問焉
則辟呬而對鄭注竝云口旁曰呬
弟子職云既食乃飽循呬覆手

毀齒謂之齠

周官司厲云未齠者不爲奴說文齠毀齒也釋名云齠
洗也毀洗故齒更生新也大戴禮本命篇云男以八月
而生齒入歲而毀齒女七
月而生齒七歲而毀齒

噤函舌也

說文谷口上阿也或作啣噤大雅行葦篇嘉穀脾噤毛
傳云噤函也釋文引通俗文云口上曰噤口下曰函漢
書揚雄傳遙噤乎紉中晉灼注云口丙之上下名爲噤
竝字異而義同說文函舌也俗作脣據諸書所說則噤

函爲口上下之稱而函又訓爲舌廣雅以噤函同訓爲
舌未詳所據也噤曹憲音劇各本劇字誤入正文今訂
正

喉噤咽也

說文咽噤也喉咽也噤咽也昭十九年穀梁傳云噤不
容粒釋名云咽咽物也又謂之噤氣所流通隄要之處
也

髑髏缺盆貳也

玉篇貳缺盆骨也史記倉公傳云疽發乳上入缺盆素
問氣府論缺盆各一王冰注云缺盆穴名也在肩橫
骨陷者中靈樞經骨度篇云結喉以下至缺盆中長四
寸缺盆以下至髑髏長九寸據此則缺盆在肩髑髏在
胸不得同
訓爲貳也

肱臄膺匈也

肱臄一字也說文肱匈骨也或作臄
臄與臄同臄各本訛作臄今訂正

肱謂之臂

脗謂之腋

腋本作亦或作掖說文亦人之臂亦也又云掖人臂下
也又云脗掖下也衆經音義卷五引裨倉云脗肘後也
掖謂之脗故衣袂當掖處亦謂之掖漢衣云袂之高下
可以運肘是也袂又謂之掖儒行云衣逢掖之衣是也

膀肱胎脅也

脅之言夾也在兩旁之名也膀之言旁也說文膀脅也
或作膀又云肱掖下也素問五藏生成篇云腹滿臄脹
支兩肱脅南山經云柢山有魚焉其羽在鮎下鮎與肱
同義玉篇肱音去劫邱慮邱閭三切肱亦脅也語之轉
耳襄二十三年左傳賈逵注云軍左翼曰啟右翼曰肱
正義云啟肱是在旁之軍義與人脅謂之肱同司馬彪
注莊子肱篋篇云從旁開爲肱義亦相近也胎字或作
膊通作拍又通作迫士禮禮特豚兩胎鄭注云胎脅也

今文肱爲迫周官醢人豚拍鄭注云鄭大夫杜子春皆以拍爲膊謂脅也今河間名豚脅聲如鍛鑄西山經有窮鬼居之各在一搏郭璞注云搏猶脅也言羣鬼各以類聚處山四脅義亦與膊同膊之言輔也兩肩謂之膊義亦同也

幹謂之肋

說文肋脅骨也釋名云肋勒也所以檢勒五藏也莊元年公羊傳云擗幹而殺之特性饋食禮佐食舉幹鄭注云幹長脅也幹亦兩旁之名也史記魯世家集解引馬融葉誓注云楨在前幹在兩旁成二年左傳棺有翰檜杜注云翰旁飾義竝與脅幹同

肺費也

白虎通義云肺之爲言費也

心任也

白虎通義云心之爲言任也任於思也

肝榦也

釋名云肝榦也於五行屬木故其體狀有枝幹也

脾裨也

玉篇引白虎通義云脾之爲言裨也釋名云脾裨也在胃下裨助胃氣主化穀也裨曹憲音卑各本脫去裨字音內卑字又誤入正文今訂正

腎堅也

胃謂之肚

說文胃穀府也釋名云胃圍也圍受食物也肚之言部也食所都聚也

膀胱謂之脬

胸臑通作旁充臑通作胞說文臑旁充也釋名云胞韜也韜空虛之言也主以虛承水灼也或曰臑臑言其體短而橫廣也淮南子說林訓旁充不升俎高誘注云旁充胞也史記倉公傳云風痺客臑桓四年公羊傳注云自左臑射之達于右臑中腸胃汚泡泡亦與臑同

腸詳也

腹屬也

臑謂之臑

說文臑腹下肥也急就篇云臑臑胃脊喉咽謁凡人與物之腹下肥者通謂之臑少牢饋食禮云魚縮載右首進臑少儀云羞濡魚者進尾冬右臑夏右臑鄭注云臑腹下也文選七發犗牛之臑李善注云臑腹下肥者少儀君子不倉困臑正義云臑猪犬腸也亦與腹下肥同義玉篇臑音的腹下肉也曹憲音百卓反集韻云豕臑也各本臑作臑蓋因下文臑謂之臑而誤今訂正

背謂之𦞑背北也

𦞑之言𦞑也。𦞑者後也。周官掌次設皇邸。鄭衆注云：邸，後版也。說文：𦞑，大車後也。義竝與𦞑同。釋名云：背，倍也。在後稱也。故又訓爲北。衛風：伯兮傳云：背北堂也。亦在後之稱也。北與背古同聲而通用。桓九年左傳：以戰而北。嵇康音背。韋昭注：吳語云：軍敗奔走曰北。北古之背字也。各本俱脫北字。衆經音義卷八卷十九及太平御覽竝引廣雅背北也。今據補。

肿謂之膃

說文：肿，夾脊肉也。急就篇云：肿，腴脅喉咽髑咸。釋文：肿音以。人反。字亦作𦞑。良九三。良其限列其𦞑。馬融注云：𦞑，夾脊肉也。說文：膃，背肉也。咸九五。咸其膃。子夏傳云：在脊曰膃。虞翻云：膃，夾脊肉也。釋文：膃，武杯反。又音每。內則取牛羊麋鹿膃之肉。必膃。鄭注云：膃，脊側肉也。楚辭：招魂。敦豚血。膃王逸注云：膃，背也。膃與膃同。鄭衆注：周官內饗云：刑膃謂夾脊肉。膃亦與膃同。集韻云：膃，或作膃。

髀髀髀也

說文髀髀骨也髀與髀同髀與髀同亦通作概素問骨空論灸概骨王冰注云尾窮謂之概骨爾雅釋鳥鸞白鸞郭注云似鷹尾上白鸞與髀義相近釋言篇云髀肥也字通作翠內則舒鴈翠鄭注云翠尾肉也呂氏春秋本味篇肉之美者雉燕之翠高誘注云翠厥也厥亦與髀同衆經音義卷十四引三倉云髀尻骨也

髀謂之髀

釋名云髀股也高厚有股鄂也說文髀尻也漢書東方朔傳連髀尻顏師古注云髀髀也素問脈解篇云腫腰髀痛髀者高起之名漢書武帝紀立后土祠于汾陰脽上如淳曰脽者河之東岸特堆坳高十餘丈顏師古曰以其形高起如人尻髀故以名云

腓髀膕也

衆經音義卷三引三倉云膕腓膕也說文同素問藏氣法時論云尻陰股膝腓膕脰足皆痛氣交變大論云其

病外在谿谷踳膝急就篇云踳踝跟踵相近聚踳踳竝與踳同字亦作踳衆經音義卷十云江南言腓腸中國之言肥也靈樞經寒熱病篇云腓者腓也咸六二咸其腓鄭注云腓腓腸也荀爽作肥齊策云徐子之狗攫公孫子之配而噬之竝字異而義同廣韻引字林云臂腸腸也海外北經無臂之國爲人無臂郭璞注云臂肥腸也

股脚畸脛脛也

釋名云脛莖也直而長似物莖也說文脛脛也股髀也凡對文則膝以上爲股膝以下爲脛小雅采芣箋云脛本曰股是也散文則通謂之脛說文云彳象人脛三屬相連是也或通謂之股經言股肱是也爾雅釋蟲螭蝮長跖郭注云小龜龜長脚者淮南子齊俗訓男女切跖肩摩於道高誘注云跖足也脛之言梗也爾雅梗直也說文脛脛尚也衆經音義卷十八云今江南呼脛爲脛山東曰脛倣倣音支孟反春秋繁露五行逆順篇云民病足脛痛素問脈要精微論云病足脛腫若水狀脛與脛同

駟曲脚也

荀子富國篇詘要橈駟楊倞注云駟曲脚中也駟者曲貌也靈樞經通天篇云太陰之人其狀駟然未僂是也素問骨空論云俠膝之骨爲連骸骸下爲輔輔上爲駟駟之言詘也其體詘曲也

臄尻州豚臀也

肩

各本皆作臄尻也州豚臀也集韻類篇竝引廣雅臄尻也則宋時本已然秦韋昭注周語云臀尻也臄尻州豚臀五者異名而同實不立分訓衆經音義卷十四卷二十四竝云卑倉臄尻也廣雅臄臀也今據以訂正臄說文作臄云髀上也漢書賈誼傳至於臄髀之所急就篇尻臄脊膂腰背呂顏師古注竝與說文同說文尻臀也少牢饋食禮云膂兩髀屬于尻釋名云尻廖也所在廖牟蒺也爾雅釋畜馬白州驤北山經倫山有獸焉其州在尾上郭注竝云州竅也內則籠去醜鄭注云醜謂臄竅也醜與州聲近而義同豚與州聲亦相近玉篇豚尻也廣韻云尾下竅也楚語日月會于龍虺文選東京賦注引賈逵注云虺龍尾也玉篇作尻音丁角切義與豚

相近說文眉尻也玉篇音詰地口奚二切集韻類篇又詰計切引廣雅尻臀也今本脫眉字

骯骯骯骯骯骯也

玉篇骯或作骯文選解嘲折脅摺骯李善注引埤倉云骯腰骨也素問長刺節論云病在少腹刺兩骯膠季脅肋閒玉篇骯骯骯也又云骯骯股骨也

廣雅疏證卷六下終